



Mûye mirov dibe dezî dezî

Dema mirov gotinên Davut Akyon ê bûye şahidê bûyerê dibihîze mûyê mirov ji canê wî radikîşe. Cenazeyê endamên PKK'ê û sivîlan bi leşên heywanan re defin kirine

MIROVAHÎ JI MIROVAHIYA XWE ŞERM DIKE

Li Kerboranê ya Mêrdînê di gora tomarî ya cenazeyên PKK'yan de kesên sivil û heywan jî hatine definkirin. Birayê Nedîm Akyon ê 13 salî di 1995'an de bi 6 kesan re hatibûn binçavkirin û piştê jî agahî jê negirtibû girtin Davut Akyon, diyar kir ku ew bûye şahidê definkirina cenazeyê 4 endamên PKK'ê û cenazeyên sivîlan a bi leşên heywanan re li herman herêmê hatine definkirin. Ev îdia pîrsa "Kesên hatine windakirin dibe ku bi leşên heywanan re hatibûn definkirin?" tîne hişên mirovan.

BÛYERÊN LI BOTAŞ Î BASÎSKÊ ANÎ HIŞÊ MIROV

Akyon, daxuyand ku ji bo aqûbeta birayê xwe hîn bibe di sala 2005'an de serî li ÎHD'a Mêrdînê da lê heta niha tu encam negirtiye. Gotinên Akyon ên ku bûye şahidê bûyera hovane, cenazeyên bi leşên heywanan re hatine definkirin di kolandinên di çarçoveya dozên bûyerên kiryar nediyar de hatine kirin ên li Noçteya Lêgerîna Botaşê ya Silopiyê û gundê Basîskê ya Cizîrê hatine kirin hestiyên sewalan derketibûn. Divê vevîtiya ku hatiye kirin aşkera bibe... RÛPEL - 3

ROJEW

Çima hestiyên heywanan?

Heta niha gelek îtfirakarên JÎTEM'ê, şahid û mexdûran der barê hestiyên welatparêzên kurd ên bi awayekî hovane bê mehkeme hatine çetilkirin de agahiyên girîng û aşkera dane. Li cihên ku hatine diyarkirin hestiyên mirovan derketin ji piranî di Tiba Edlî de 'hestî yên sewalan e' derdikeve...

Tayîp TEMEL - R.2

25 Nisan - Yekşem 2010 E-mail: awelat2002@yahoo.com Buha: 50 kr Hejmar: 26

POLÎTİKA



Komeleya Gelê Azad vebû

Komelaya Gelê Azad a Taxa Yenimahaleyê bi beşdarbûna sedan kesan bi merasimê hate vekirin. Di vekirina Komeleya Gelê Azad de hate dest-nîşankirin ku armanca komeleyê pêşxistina demokrasîyê ye...

R.4

POLÎTİKA



Vê carê dest avêt Licê

Terîqeta Gulen vevîtiya dest avêt Licê ku cihê wê di têkoşina azadiya kurdan de girîng e. Terîqet, di bin navê holên xwendinê yê EHÎDER'ê de xwe bi rêxistin dîke û xebatên avakirina malek ya xwendevanan dîke...

R.4

ÇAND



Dersa fîzîkê hate dîtin

"Dibistana Azad" ya ku ji aliyê TZPKurdî ve bi armanca pêşvebirin û hinbûna kurdî hatiye avakirin di hefteya 3'yemîn de dersa fîzîkê da. Dersa fîzîkê ya 'Dibistana Azad' bi neynikan dest pê kir...

R.9

Jinên kurd hîmên yekitiyê avêtin

Li Amedê bi beşdariya jinên kurd ên her çar parçeyên Kurdistanê û Ewropayê Konferansa Neteweyî ya Jinên Kurd hate lidarxistin. Bi pêkhatina vevîtiya konferansê di nava kurdan de hîmên yekitiya neteweyî hate avêtin û kurd zêdetir nêzî hev bûn

LI AMEDÊ GAVEK DÎROKÎ HATE AVÊTIN

Li Amedê Konferansa Neteweyî ya Jinên Kurd dest pê kir. Jinên siyasîmedar, akademîsyen, nivîskar, hunermend û nûnerên sazîyan ên li çar parçeyên Kurdistanê û Ewropayê tevli konferansê bûn. Endama Tevera Jinan a Azad û Demokratîk Mulkiye Birtane, axaftina vekirinê kir û diyar kir ku ev konferans ji bo jinan gavek dîrokî ye.

ZANA: CEJNA RONESANSA JINEN KURD E

Parlamentera DEP'ê ya berê Leyla Zana, diyar kir ku barê jinên kurd gelekî giran e, ji ber ku jinên kurd hem ji bo nasnameyê û hem jî ya zayendî têdikoşin. Zana, destnîşan kir ku bi vevîtiya konferansê îro "Cejna ronesansa jinên kurd e" û hêvî dîke ku ev gihîştina jinan bibe sedema konferansek neteweyî ya kurd.

KONFERANS ÎRO JÎ BERDEWAM DIKE

Konferansa Jinên Kurd îro jî bi rûniştinên weke 'Di nava pêvajoya têkoşina demokratîk de rolên nûnerîyê yê jinan û perspektîfên bihurandina zayend-parêziya civakî' û 'Rêbazên jinan ên avakirina piştgiyariya neteweyî ya demokratîk' pêk bûn. Di encama konferansê de dê encamnameya konferansê jî raya giştî re bê aşkerakirin... RÛPEL - 7

Amed mala jinên kurd e

Di çarçoveya konferansê de kokteylek hate lidarxistin. Di kokteylê de hate destnîşankirin ku Amed mala hemû jinên kurd e. Her wiha 40 jinên ku ji başûrê Kurdistanê hatibûn bi kufîlkan hatin pêşwazîkirin... RÛPEL - 7



Li Amedê bi pêşengiya Tevera Jinên Azad û Demokratîk (DOKH) û Leyla Zanayê, Konferansa Neteweyî ya Jinên Kurd a bi navê "Di pêşvebirina demokrasîyê de rista jinan" hate lidarxistin. Konferans bi beşdariya 150 delegayan li salona Resepsiyonê ya Parka Sumerê dest pê kir. Ji parçeyên cuda nûnerên jinan tevli konferansê bûn.

Divê bi rastiye re hevrû bibin

Hevserokên BDP'ê Gultan Kışanak û Selahattin Demirtaş anîn ziman ku bûyerên 1915'an hê jî di wijdana mirovan de cihê xwe diparêze û wiha gotin: "Tirkiye 95 sal in vevîtiya pîrgirêkê nabîne û tune dihesibîne û êdî bi vevîtiya pîrgirêkê re rû bi rû mayîna Tirkiyeyê divê pêk bê..." R.5



Derewa 95 sal in pêk tê hat nîqaşkirin



Roja 24'ê Nîsanê tevkujiya ermenîyan pêk hat. Bi minasebata wê rojê gelek çalakî hatin lidarxistin. Li Enqereyê bi mijara komkujiya ku li dijî ermenîyan pêk hatibû bi beşdariya akademîsyen û rewşenbîran sempozyumek pêk hat. Hate gotin ku divê ew derewa 95 salan nîqaş dîkin. Fikret Başkaya da zanîn ku dîroka fermî li ser rastiyan girtî ye û ev bi destê dîroknasên fermî pêk hatiye. Başkaya bilêv kir ku divê ew derewkarîyan teşhîr bikin... RÛPEL 5-6



Samî Tan

suerbeyan@yahoo.com

Ma em mazoşîst in?

Dî şer û pevçûnên gundiyan de hinek kesên kone hebûn. Dema ku wan dixwest li yekî bidin di nav xwe de plan û bernamemek amade dikir û karbeşî dikir. Li gorî vê plangeriyê diviya yekî ji wan belaya xwe di neyarê wan bida û yê din jî "navbeynkari" bikira. Lê navbeynkar nedihîşt ku hevalê wî lêdanê bixwe, dikir ku neyarê wan lêdanê bixwe.

Dema ku ez bala xwe didim rewşa kurdan û dewleta tirk ev şerê gundiyan tê bira min. Navbeynkarê me jî liberalên tirk in. Xwe wisa dikin ku em zêdetir lêdanê bixwin. Ji bo ku ew du peyven xweşîk der barê me de bibêjin, divê ji lêdanê em ji hev bipelişin, hal di me de nemîne.

Ev hest û raman çawa bi min re çêbûn? Bûyerên ku li Türkiye û Kurdistanê pêk tên û nixandînen rewşenbîrên liberal ên tirk vê hest û ramanê bi mirov re çêdikin. Ew bi darê zorê dixwazin kurdan bikin dûtîkê dûtî hebanê. Li gorî baweriyaya wan AKP çendî kurdan bide girtin, zilm û zordariyê li wan bike ji kurd divê bêyî qeyd û şert piştevaniya politikayên AKPê bikin.

Li gorî baweriyaya wan li ber kurdan du rê hene; yan ew ê xwe bidin aliyê partiyên rêgezperest û kemalist an jî de bibin piştevanên AKPê. Heke naxwazin bibin hevalbendên CHP û MHPê, heke aştî û demokrasiyê dixwazin, divê bibin piştevanên AKPê, wê bi tenê nehêlin. Çima? Ji ber ku

AKP guherîne dixwaze. Belê AKP guherîne dixwaze, lê guherîneke çawa û ev guherîn ji bo kurdan çî bi xwe re tînin. Ew qet qala vê yekê nakin, lê em hinekî qala vê yekê bikin. Heta niha guherînen ku bi AKPê re hatine, tu destkeftin ji bo kurdan neanîne. Hemû gavên AKPê jî bo şikandina îradeya gelê kurd û belavkirina Tevera Azadiyê ne. Hemû kar û bizavên AKPê jî bo pêkanîna desthilatiya bîrdozi ya dewletê ne.

Rast e rengê desthilatiyê diguhere, AKP xwe di hemû warên desthilatiyê de birêxistin dike, heta bi vê yekê jî namîne xwe di nava civakê de ji bi regekî taybet bi rêxistin dike. AKP serê pêşîn di nav karsazên nûhatî de xwe birêxistin kir. Heta mirov dikare bibêje ku AKPê dewlemendên nû afirandî, gelek kes jî saya serê AKPê dewlemend bûn. Piştê jî bi sedeqe û zekatên wan dewlemendên nûhatî û afirandî, AKP di nava civakê de xwe birêxistin dike. Ev rêxistinê naşibe, rêxistinên din. AKP pêşî mirovan birçî û xizan dike, piştê hinî parsekiyê dike. Li

ser vê bingehê jî bi parga belav dike, mirovan bi xwe ve girêdide.

Belê AKP guherîne dixwaze, lê ev guherîn li ser bingeha tîkîrîna hêzên mafparêz û azadixwaz pêk tê. AKP li Tirkiyeyê heta radeyekê desthilatiya xwe pêk aniye, lê belê tîkoşîna gelê kurd li ber desthilatiya wê wekî kelem xuya dike. Ji ber vê yekê jî ew bi destekî xwe li hemberî kemalîstan şerê desthilatiyê dike, bi destê din dixwaze me tepeser bike. Ji ber vê yekê qanûnên ku AKPê derxistine jî qanûnên berê xerabîr in. Berê rojnemeyê me bi hinceta propagandaya cudaxwaziyê dihatin girtin, niha bi hinceta ku propagandaya rêxistina nehênî tene girtin. Ev "qanûna li dijî terore" di dema AKPê de hate derxistin. Bi vê qanûnê bi hezaran siyasatmedarên kurd, zarokên kurd hatin girtin. Ev jî guherînek bû, gelo em ê çima piştevaniya guherînen wiha bikin? Her wekî Dengîr Firat gotî, Ma em mazoşîst in? Helbet em ne mazoşîst in û lê hinek sadîst jî zilm û zordariya ku li me tê kirin, dilxweş dibin.

Deng Çima ji çalên mirinê hestiyên heywanan derdikevin?

TAYIP TEMEL tayiptemel@walla.com

Heta niha gelek îtirafkarên HJITEMê, şahid û mexdûran der barê hestiyên welatparêzên kurd ên bi awayekî hovane bê mehkeme hatine qetilkirin de agahiyên girîng û aşkera dane. Her çiqas carna li cihên ku hatine diyarkirin hestiyên mirovan derketin ji piranî di lêkolînên Tiba Edli de encama 'hestî yêñ sewalan e' derdikeve. Bêguman sedemên vê yekê hene. Nûçeya Ajansa Nûçeyan a Dicleyê (DÎHA) ya ku duh der barê mijarê de servîskirî xwîna mirov dicemidîne û bi mirov wiha dide gotin: 'Ev qas jî nabe. Ma kesekî ku ji xwe re bêje mirov dikare ve hovitiyê bike?'

Nûçe wiha bû: 'Li Kerborana Mêrdîne goreke tomerî hate ditin û hate îdiakirin ku 6 welatiyên sivîl û çend endamên PKKê jî di wan gongan de bi awayekî tomerî hatine binaxkirin. Bi-rayê Nedîm Akyon 13 salî yê ku di nav 6 kesên windakirî de ye, Davut Akyon diyar kir ku wî bi çavê xwe ditiye dema ku leşkeran cenazeyên 6 sivîlan û 4 PKK'yan tevî leşên hewyanan di çalê de veşartîye. Vê îdiayê rê li ber şîrove-yên 'Gelo li Botaş û Kuştepe jî kesên hatine windakirin û sewal bi hev re avêtin birên asîdê û jî ber wê yekê hestiyên heywanan jî wir derketin?' vekir.

Ev beyan her çiqas di asta îdiaya mexdûreki HJITEMê de bin jî li deve-reke din a cihanê bûya de erd û ezman bihejanda. DÎHAyê ev nûçe servîs kir û em bi hev re de bibînin ka dengvedaneke çawa derdikeve holê.

Wekî tê zanîn li ser îtirafên Endamê HJITEMê Abdulkadir Aygan û çend agahiyên kesên ku şahidiya cinayetan kirîye li Botaş û Kuştepe lêkolîn hatibûn kirin û birên asîdê hatibûn vekirin. Di encama lêkolînên li ser hestiyên de Tiba Edli wiha gotibû: 'Ev hestî yê heywanan in'.

Belê Tiba Edli wisa digot, lê yên ku bi destê xwe cinayet kirine yêñ wekî Kamîl Atak, çend kesên din ên wekî Abdulhekîm Guven û Abdulkadir Aygan bi nav û nişan cihê bûyeran vedigotin û bi xwe aşkera dikir ku wan jî di gelek bûyeran de cih girtiye.

Dema mirov jî aliyê mantiqî ve li mijarê binêre, pîrsa; 'çî karê hestiyên heywanan di birên asîdê de heye' tê bira mirov.

Belê pîrsa esasî ev e; Çawa dibe ku sewalên hestiyên wan bi qasî yêñ mirovan mezin û stûr dîkevin hundirê wan birên ku di nav sinorên ewlekariyê mezin de?

Diyar e ku qatîlên navnişan û efen-diyên wan diyar bi profesyonelîyê mezin karê kirîye û li hemberî rîska 'dibe ku pêşerojê deşîfre bibê' tedbirên xwe girtine. Ango her wekî şahidê qetlîama hovane ya li Kerboranê pêk hatî Davut Akyon jî gotî dibe ku 'laşên heywan û cenazeyên welatparêzên kurd bi hev re avêtibin birên asîdê.'

Îhtîmaleke din jî heye bêguman. Wekî tê zanîn ev îdia û îtiraf di sala 2004ê de ji rojnemaya Ozgur Gundemê re axivî û yek bi yekê behsa kirinên xwe kiribû. Birên asîdê di sala 2009'an de hatin rojvaya daraza Tirkiyeyê û hin ji wan hatin vekirin. Ev jî tê wê wateyê ku di navbera dema bûyerê deşîfre bûyî û vekirina biran de 5 sal derbas bûne. Bêguman zana û zanyar baştir dizanin lê li gorî agahiyên ku ew didin jî di nava asîdê de 5 sal bes in ku hestî bihelin an jî bîñ guhertin. Ango kêm be jî îhtîmal heye ku ew hestiyên mirovan bi yêñ sewalan hatibin guhertin an jî bi yêñ sewalan re hatibin tevlihev kirin.

Îhtîmal çibe bila bibê, lazîm e ev îdiaya ku xwîna mirov dicemidîne û mirov matmayî dihele bê lêkolîn. Ên ku bi hezaran mirovên bêgûneh qetîl kirine bêguman dikarin hovitiya 'binaxkirina cenazeyên mirov û heywanan bi hev re' jî bikin û ev yek jî wan ne dîr e.

Bêguman bi hişmendî tevgerandin riya herî baş e. Hişmendî; di wateya di rewşa herî aloz de jî helwesteke zanayî û baqilane nişandayî e. Bi awayekî bêhnfireh li mijareyan kûr bûne

FÊRGÎN MELİKAYKOÇ

Tevgerîna hestyarî, hişmendî û şarezayî

Mirov di rewşên aloz de, wek şîn û şîwan, dema dijmin bi bêbextî û cinawirî êrişî; zarok, jin, kal, mirov, nas, gel, netewe, serok û rêberên mirovan dike, mirov bixwaze û nexwaze jî, ji ber ku tahrîk li ser hest û giyana mirovan heye, mirov di pêngava yekemîn de bi hestyarî tevdi-gere, bertekêke tund nişan dide, li encama bertekê nanêre.

Dijmin jî ku navê wan hêzên tarî, serkarên dewletê, Ergenekon e, çî dibe, bila bibê, bi salan e, bê navber bi mebesta tahrîkkirina giyan, hêza derûniyê û tevlihevkirina hestê me bi dirîndetî êriş dike. Hema em wek minak, nûçeyên yek rojekê, ya roja 19'ê avrêlê di nava nûçeyên ANF'ê de wek serenivîs hebûn, bigirin, dê em ê vê rastiyê bibînin.

"Guleyên MKE'yê danîn ber derê BDP'ê. Xebatkarê rojnemaya Azadiya Welat hat revandin û derbikirin. Ji bo 2 zarokên kevir avêtine, doza 'endametiya rêxistinê' hat vekirin. Li Cizîrê du zarok hatin destgîrkirin. Li Giresun û Gümüshane hewl dan ku karkerên kurd linc bikin." Roja wî maşeyê hêzên tarî ku tenê zanî li Samsûnê bi gurmistê êrişî birêz Ahmet Turk kir, hemû kurdan ev

êş di giyana xwe de rabihistin, hestê giştan hat tehrîkkirin, hêrs û gira giştan derket qada herî berz. Li rojê pey jî rojname û qelemên hêzên tarî yêñ wek Y. Ozdil bi nivîsên tehrîkar çawa ku bi barûd û benzîne di ser me de werin, bi wî awayî jî reşahiye pekiyan. Di rewşê wiha êriş li ser êrişê de ji bandora hestyariyê filitîn, helwesteke hişmendî û şarezayî nişan dayîn, ne hêsan e.

Bêguman bi hişmendî tevgerandin riya herî baş e. Hişmendî; di wateya di rewşa herî aloz de jî helwesteke zanayî û baqilane nişandayî e. Bi awayekî bêhnfireh li mijareyan kûr bûne. Em vê awayê helwestê li ba Hz. Zerdeşt, Manî, Halacî Mansûr, Ehmedê Xanî û sofîstên kurd yêñ din dibînin. Birêz Ahmet Turk di wê rewşa aloz de jî, ev hişmendîya şarezayî nişan da ku bikane pêşî li karesetan û armanca vê êrişê bigire. Bêguman ev serbilindîya me hemîyan e.

Mijara şarezayî jî mijareyêke çandî, dîrokî û civakî ye. Li hemberî êriş, rûdan û karesetan helwesteke rewşenbîrî û sofîstî li ser tîkiliya mirovbûnê nişan dayîn e. Di mijara aştîyê de em vê helwesta şarezayî bi giştî li ba Tevera Azadî

û di helwesta birêz Ahmet Turk ya li pey vê bûyarê de dibînin. Ji ber vê rawestana hişmendî û şarezayî dostan jî û dijmanan jî li hember wê helwesta birêz Ahmet Turk rêz girtin. Bêguman ev aliyê şarezayîya kurd û çanda kurd e. Em bi tevahî bi vê helwestê serbilind in.

Serkar û dewleta tirk di warê şarezayîyê de jî normên mirovahiyê dîr in. Çawa birêza Dr. Işık Iscenli jî di nivîsa xwe ya bi sere-nivîsa "Ji hespê peyabûn!" de nivîsiye. Ew hîna jî hespê peya nebûne, hîna bi wê hestên dema barbarîya êrişkar dijîn. Ji mijara şarezayîyê gelek dîr in. Loma di dîroka wan de aştî, lihevhatin, ji mafên mirov û gelan re rêzgirtin, bi kurtî bi awayekî mirovî tevgerîn tune. Tenê êriş, kuştin, rûxandin, sotin, tunekirin, inkarkirin, hest û giyan tehrîkkirinê dizanin. Ji bo vê her kom û komikên xwe ji qada çapemeniyê bigire hetanî komên êrişkar afirandine, jehra nijadperestiyeke tund zerkê mejiyê wan kirine. Dê em ê, yan jî bi giştî Tevera Azadî bikane şarezabûn, mirovbûn û hişmendîyê bi wan derdorên hof û hêr bidin fêrkirin, ne zelal e, wê dem nişan bide!

Li hemberî vê rewşê kom û ko-

mikên me kurdan yêñ nijadperest, olperest nînin, muhalefeteke kêrhatî jî tune ku bi kêmasî di warê çapemeniyê de hinek gaza dilê me berde, yan jî bi awa û metodên wan bêhna wan biçikîne ku ew bi Tevera Azadî re têkevin nava dia-logê û pîrsgirêkê çareser bikin. Kom û komikên hene ku hebûn û nebûna wan nexuyane, ew jî li dor dîvê AKP'ê li ba dibin. Loma jî hemû bar li ser milê Tevera Azadî maye.

Ji ber van rastiyan carna mirov di tengasiyê de dimîne ku hetanê kîjan radeyî bi hişmendî û şarezayî tevbigere, jî kîjan niqirî pëve wek heciyê kulikê xwe datîne aliyekî û dibêje: "Hecî tu hinek li vir raweste, ez carê dilê xwe rehet bikim, ez ê cardin werim te hildim!" Mirov hevserê bozê rewan berde û wê hestê hatî tehrîkkirin, giyana hatî rûxandin, bitêrîne û wê gaza hêrs û girê berde. Di vî babetê de em di divêtiya fetisandîna hestên xwe de dimînin.

Encam: Dema mirov rastiyan baş dinirxîne, dibîne ku jî hişmendî û şarezayî çêtir tişteki din nîne. Tenê bi hestyarî tevgerîn, bêguman bi zêdehî zîrê dide. Dibe ev jî mijara niqaşê be!

Ji çepê ber bi rastê ve

1. Rengek, binevşî... Pîrsek di rewşa ne tewandî de... Daçekek
2. Bi erebî "ez"... Sarincên avê yêñ di binê erdê de
3. Pîrsek di rewşa tewandî de... Deng, sewt
4. Şaxên nebatên weke zebes, petêx, kundir hwd. yêñ li ser erdê... Notayek
5. Rengek... Peyveke teşwîqkirinê
6. Darê ku kesên mîna hukumdar, mirovên dinî ku wekî sembola hêzê bi kar fînin... Elementên ne metal, mîna klor, fosfor û oksîjenê
7. Peyva neyinî... Birayê bavê mirov
8. Ode... Tipên navîn ê "saet"ê
9. Paytexta Norwecê... Stockholm paytexta kîjan welaî ye

Ji jorê ber bi jêrê ve

1. Ajala xwedî tîjîk... Xwarina sereke
2. Eşîr, qebile, hoz...
3. Rêxistina polîsan a nazîyan
4. Notayek... Banga ji bo nimêjê
5. Mektûb... Sedemkarê tevgerê, paldêr
6. Kevok... Yezdanekî mîsrî
7. Bi soranî 'av'...
8. Gerestêrkek
7. Kurteya beriya zayînê... Navçeyêke Elezîzê
8. Daçekek ku wateyê xurt dike... Xwişka bavê mirov... Dengdêrên "pêça"yê
9. Tiştên ku ji nîşên berê hatine wergirtin... Bajarekî me ku bi sîrên xwe navdar e

XAÇEPIRS

	1	2	3	4	5	6	7	8	9
1									
2									
3									
4									
5									
6									
7									
8									
9									

ROJEV

Zozan Basın Yayın Adına
İmtiyaz Sahibi: Eser UYANSIZ
Yazı İşleri Müdürü: Mehdi TANRIKULU

Yönetim Yeri:
Diclekent Bulvarı
Temil Apt. Kat:3 No:9
Kayapınar / DİYARBAKIR
İdare Tel: 0 (412) 251 38 88
Yayın (Weşan)
TEL: 0 (412) 237 48 90-91
Fax: 0 (412) 237 48 89
Baskı (ÇAP):
Stenbof: Gün Matbaacılık,
Reklam, Film, Basım, Yayın,
Tan. San. Tic. Ltd. Şti.
Telsizler Mevki Beşyol Mah.
Akasya Sok. No: 23/A
Küçükçekmece / İstanbul
Tel: 0 (212) 580 63 81
Edene: Arslan Güneydoğu
Gazetecilik, Matbaacılık,
Kağıtçılık A.Ş.
İstiklal mah. İstiklal. Cad.
No: 44 Seyhan / Adana
Yaygın süreli yayındır.

Mirov û sewal bi hev re çal kirin!

4 jê zarok 7 kesên di 29'ê cotmeha 1995'an de li Kerboranê ji aliyê leşkeran ve di encama serdagirtina malan de hatibûn binçavkirin û piştê jî tu agahî ji wan nehatine girtin bi leşên sewalan ve hatine çalkirin

Li navçeya Kerboranê ya Mêrdînê di gora tomarî ya cenazeyên PKK'yan de kesên sivîl û sewal ji hatine definkirin. Birayê Nedîm Akyon 13 salî yê di 1995'an de bi 6 kesên re hatibûn binçavkirin û piştê jî agahî jê negirtibûn. Davut Akyon, diyar kir ku bûye şahidê definkirina cenazeyê 4 endamên PKK'ê û cenazeyên sivîlan a bi leşên sewalan re li heman herêmê hatine definkirin. Ev îdia pîrsa "Kesên hatine windakirin dibe ku bi leşên sewalan ve hatibûn definkirin?" tîne hişên mirovan.

Birayê Nedîm Akyon 13 salî yê ji 6 kesên hatin binçavkirin Davut Akyon, anî ziman ku bi salan in serpehatiyên xwe veşartine û wiha got: "Birayê min Nedîm Akyon di sala 1995'an de ji aliyê leşkeran ve hate binçavkirin û piştê re ji me tu agahî jê negirtin. Birayê min li cem min birin. Piştê ez çûme Femandariya Leşkeran a Navçeyê. Min pîrsa birayê xwe kir. Ji min re gotin 'me birayê te berda' lê birayê min binedabûn."

Akyon, bi lêv kir ku serî li Dozgeriya Komarê ya Kerboranê da û li ser vê yekê Dozgerî jî li leşkeriyê geriyaye û leşkeriyê jî dozgeriyê re gotiye "Di destê me daye. Em ê di

nav 2 û 3 rojan de derxin dozgeriyê. Piştê jî êdî min birayê xwe nedît. Li gorî em hînbûn 7 kes di îşkenceyên dijwar re derbas kirin. Li ser laşê wan naylon helandine." Akyon, da zanin ku ji sala 1995'an heta niha li birayê xwe digere û wiha dom kir: "Em lêgerîna xwe di domîn. Li vir gelek operasyon, pevçûn û infaz çêbûn. Li ku derê cenazeyek hebe an jî cenazeyekî PKK'iyekî bê definkirin ez diçim bera xwe didemê û dibêjim ku 'dibe ku birayê min be' lê heta niha ez rastî birayê xwe nehatim." Akyon, daxuyad ku ji bo aqûbeta birayê xwe hîn bibe di sala 2005'an de serî li ÎHD'a Mêrdînê da lê heta niha tu encam negirtiye.

Akyon, destnişan kir ku dema li birayê xwe digeriya li Kerboranê rastî gelek bûyeran hatiye û wiha dirêji da axaftina xwe: "Di sala 1995'an de li Kerboranê de pevçûnekê de 4 endamên PKK'ê jiyana xwe ji dest dabûn. Cenazeyên PKK'yan ji aliyê leşkeran ve li gundan dihatin gerandin. Min got 'dibe ku birayê min be' çûm û min bera xwe da cenazeyan. Lê birayê min di nav wan de nebû. Cenaze yek jê jin û 3 zilam li riya Bendava Ilisuyê ya derketina Kerboranê

hatin definkirin. Leşkeran cenaze li qada ku wê demê şaredariyê çop lê kom dikirin defîn kirin. Bi keçeyê şaredariyê ve çalek mezin vekirin û piştê jî cenaze bi hev re avêtin çalê û çal girtin. Ez texmîna çalê zanim. Wê demê hemû kesî wekî min dît lê ji ber tirsê nabêjin."

Davut Akyon, diyar kir ku riya Bendava Ilisuyê heta sala 2000'an jî herêma leşkeriyê bû û ji sivîlan re qedexebû. Akyon, îdia kir ku li vê herêmê gelek cenazeyên PKK'î û kesên sivîl jî di nav de li vê herêmê hatine defîn kirin û birayê wî jî di nav de ye. Akyon, anî ziman ku dema ku li birayê xwe digeriya bûye şahidê bûyerê gelek cenaze bi leşên sewalan re hatine definkirin. Cenazeyên bi leşên sewalan re hatine definkirin kolandinên di çarçoveya dozên bûyerên kiryar nediyar de hatine kirin ên li Noqteya Lêgerîna Botaşê ya Silopiyê û gundê Basîskê ya Cizîrê hatine kirin hestiyên sewalan derketibûn.

6 kes çawa winda bûn?

Di 29'ê cotmeha 1995'an de welatîyên bi navê Abdurrahman Coşkun (18), Abdullah Olcay (21), Haznî Dogan (9) û birayê wî Seyhan Dogan (13), Mehmet Emîn

Aslan (18), Nedîm Akyon (13), Davut Altunkaynak (12) û Suleyman Seyhan (58) hatibûn binçavkirin. Dayika Seyhan Dogan, Asiye Dogan, diyar kir ku piştî binçavkirinê çû tabura leşkeran û wiha gotibû "Leşkeran ji min re got 'Meraq neke, me zarokên te berdan diçin malê êdî tu caran nayên' Lê zarokên min nehat. Çend roj şûnde Haznî Dogan hate malê û tiştên di binçavan de bi serê wî de hatibû ji mere got. Li gorî Haznî 6 kesên îşkenceyên gelek giran ditin."

Di heman salê Asiye Dogan, têkildarî mijarê de bi riya telefonê tevli nûçeyên Med TV'yê bibû gotibû "Ez ji dewletê dozdar im û zarokên xwe dixwazim" lê piştê ew jî windabû. Piştê derket holê ku Dogan hatiye binçavkirin û îşkenceyekî gelek mezin ditibû serbest hate berdan. Dogan ji ber îşkenceya dît li Nexweşxaneyê Cerrahpaşayê di hate dermankirin û piştê jî jiyana xwe ji dest da.

Ji kesên hatine binçavkirin cenazeyê Suleyman Seyhan (58), 5 meh şûnda di çalekê de şewitî hate ditin. Şahidên bûyerê diyar kirin ku 7 kesên berî ku bîn kuştin îşkence ditin û naylon helandin ser laşên wan. (AMED / DÎHA)



'Polîsan kurê min birîndar kir'

Derket holê ku Yaşar Ozdurak (28) ê li navçeya Qoserê Mêrdînê piştî bûyera mirina yek jê polis 3 kesên birîndar bû bi guleya polîsan hatiye birîndarkirin. Bavê Ozdurak, Şehmus Ozdurak got ku dema ku kurê wî bi bisiklê dîhat mala xwe bûye hedefa guleyên polîsan.

Li navçeya Qoserê li dijî Navenda Polîsan a Cumburiyete çalakiyek pêk hatibû. Di encama çalakiyê de 2 polis û sivîlek birîndar bûbûn û polîsek piştê miribû. Piştî çalakiyê li neçeyê operasyon hatibû destpêkirin û li taxa Ersoyluyê di avahiyeke de 2 kes hatibûn qetilkirin. Derket holê ku Yaşar Ozdurak bi guleya polîsan hatiye birîndarkirin. Ozdurak li Nexweşxaneyê Zaningeha Dicleyê tê tedawîkirin. Bavê Ozdurak, Şehmus Ozdurak diyar kir ku dema ku êvarê kurê wî dîhat malê piştî ku pîra taxa Koçhisarê derbas dibe ji panzêrê tê gulebarankirin û kurê wî ji çîpa xwe birîndar dibe, hestiyê çîpa wî dişikê. Ozdurak wiha axivî: "Kurê min dema ku birîndar bû kete erdê. Lê panzer nesekîni û çû. Ji panzêrê gelek gule hatin avêtin lê tenê yek li kurê min ket. Piştî bûyerê polîsan 3 caran bi ser mala de girtin. Herî dawî jî bi kuçikan li malê lêgerîn kirin."

Serokê BDP'ya Qoserê Seyfettîn Ateş jî got ku ji ber bûyerê gelê Qoserê mexdûr bûne û ji ber êrişên polîsan li taxê hemû mal bûne hedefa guleyan. MÊRDÎN

Dîsa aqûbeta windayan pirsîn

Komeleya Mafên Mirovan (ÎHD) û xizmên windayan vê hefteyê jî li Amed û Êlihê bi dirûşma "bila winda bîn dîtin, kiryar bîn darizandin" çalakî li dar xistin. Li Stenbolê jî Dayikên Şemiyê cara 265'emîn çalakî li dar xistin.

Li Amedê endamên ÎHD'ê û xizmên windayan li ber Abideya Mafê Jiyane ya Parka Koşuyoluyê cara 63'yemîn hatin ba hev. Di çalakiyê de rêveberê ÎHD'ê Raci Bilicî axivî û got ku ew wekî parazvanên mafên mirovan heta ku aqûbeta windayan bê aşkerakirinê de têkoşîna xwe bidomînin. Piştê jî endama ÎHD'ê Necîbe Guneş axivî û komku-

jiya ermenan a 1915'an de bibirani. Guneş piştê jî aqûbeta Hafîl Bilgiç û Mehmet Bilgiç ên ku di 17'ê mijdara 1996'an de li deriyê şinorê Xabûrê hatin binçavkirin û windakirin pirsî.

Li Êlihê jî li kolana Gulistanê çalakî hate lidarxistin. Hevserokên BDP'ya Êlihê Saadet Becerikli û Şehmus Aslan jî di nav de gelek kes beşdarî çalakiyê bûn. Beriya daxuyaniyê Serokê ÎHD'ê Êlihê Osman Kunteş axivî û got ku têkoşîna dîtina windayan ne tenê ya ÎHD'ê ye û ev pêywira hemû kesên biwijdan e. Kunteş banga bihistiyariyê kir. Piştê rêveberê ÎHD'ê

Êlihê Nihat Ekinci daxuyaniyê xwend û got ku ji bo ku tiştên ku berê hatine jiyin carake din neyên jiyin ew feraseta hevkarîyê tînin ziman. Lê ji ber ku her diçe aloziya siyasî zêde dibe ev yek wan dixê fikaran. Piştî daxuyaniyê 5 deqîqe çalakiya rûniştinê hate lidarxistin.

Aqûbeta ermenan pirsîn

Li Stenbolê jî Dayikên Şemiyê cara 265'emîn li ber Lîseyê Galatasarayê hatin cem hev. Dayikên şemiyê di çalakiya vê hefteyê de aqûbeta 139 rewşenbîrên ermen ên di 24'ê Nîsana 1915'an de hatine windakirin pirsîn. Daxuyaniya vê hefteyê jî

aliyê rêvebera ÎHD'ê Leman Yurtsever ve hate xwendin. Yurtsever got ku beriya 95 salan Îttihat û Terakiyê pêla girtinan daye destpêkirin û 220 ermen hatine binçavkirin. Ji wan 81 kes hatine qetilkirin û aqûbeta 139 kesên jî hêj nayê zanîn. Di daxuyaniyê de hate gotin ku civakake ku bi paşeroja xwe re rû bi rû neyê nikare demokrasiyê pêk bîne.

Li aliye din komeke endamên ESP'ya Stenbolê jî bi munasebeta salvegera komkujiya ermenan li cihê ku Hrant Dînk hatibû qetilkirin daxuyaniyê da û qurnefîl danî cihê ku Dînk hatibû qetilkirin. AMED / ÊLIH / STENBOL

Girtiyan êriş şermezar kir

Girtiyan siyasî yê di girtigeha Ermenekê de êriş li dijî xebatkarê Azadiya Welat Alî Bîlen pêk hatiye bi şandina nameyekê şermezar kir. Girtiyan siyasî yê di girtigeha Ermenekê ya Karamanê de êriş li dijî xebatkarê Azadiya Welat yê Mêrsînê Alî Bîlen pêk hatî bi nameyên şandî şermezar kirin. Girtiyan, diyar kir ku êrişên tînan kirin êrişên di salên 1990'an de pêk hatî tîne bira mirov û di nameyên xwe de wiha gotin: "Êriş li dijî hevalê me Alî Bîlen hatiye kirin em xemgîn kirin. Berê hevalê me Metîn, niha jî li dijî hevalê me Alî êriş pêk hat. Ev êrişên di salên 90'an de li dijî Apê kurdan Apê Musa û rojnagerên din pêk hatin tîne bira mirov. Li gel hemû zext, zordariyan û şahadetên Çapemeniya Azad nehatê bédengkirin û bila baş bizanin ku îro jî nikarin çapemeniya azada bédeng bikin. Bila hêzên tarî baş bizanin ku heta Generalên Biçûk ên Apê Musa û gelê kurd hebe nikarin dengê Çapemeniya Azad bigirin. Em ji hemû xebatkarên çapemeniya azad re derbasbûyîne dixwazin û di xebatên wan de serkeftinê dixwazin." MERSÎN

2 sal û 4 meh ceza dan girtiye kurd

Li rojhilatê Kurdistanê li bajarê Sine, Dadgeha Şoreşê ya Sine yê, 2 sal û 4 meh cezayê girtigehê dan girtiye kurd Muhammed Qewamî. Li gorî agahiyên ku hatine bidestxistin, cezayê 2 sal û 4 meh yê ku ji aliyê Dadgeha Şoreşê ya Sine yê ve ji Muhammed Qewamî re hatî dayîn, di 4'emîn Dadgeha Însiyatîf ya Kurdistanê de jî hatiye pejirandin. Qewamî bi "yekparebûna welat avêtina metirsiyê" û bi peywendiya wî bi partiyek ya kurdan re, tê tawanbar kirin. SÎNÊ



'Ev kurd in li wan bidin'

Li Tirkîyeyê êrîş û lîncaya li dijî kurdan bê navber didome. Li Mêrsînê di navbera xebatkarên eczaneyê û polîsan de nîqaş derket û kurd rastî lêdanê hatin. Xebatkarên diyar kirin ku polîsan gotiye 'ev kurd in lê bidin'

Xebatkarên Eczaneya Şîfa ya li hemberî Nexweşxaneyê Welidandina Jinê û Zarokan a Navçeya Toroslarê îdia kirin ku ji aliyê polîsên ber nexweşxaneyê ve rastî lêdanê hatine. Xebatkarên eczaneyê diyar kirin ku di êrîşê de polîsan gotiye 'ev kurd in lê bidin' û li wan dane.

Xebatkarên Eczaneya Şîfa ya li hemberî Nexweşxaneyê Welidandina Jinê û Zarokan a Navçeya Toroslarê îdia kirin ku rastî lêdana polîsên ber nexweşxaneyê hatine. Xebatkarên, anî ziman ku bîyî polîs sedemê nîşanê bidinê êrîşê wan kiriyê û li wan dane. Hate îdiakirin ku xebatkarê eczaneyê xwestiye bi xizmekî xwe yê nexweş re têkeve polîklînîkê û rayedarên nexweşxaneyê jî destûr nedaye vê yekê. Piştî nîqaşê di navbera rayedarê polîklînîkê û xebatkarê eczaneyê de derketiye, hêzên ewlehiyê hatine cihê bûyerê û di navbera hêzên ewlehiyê û xebatkarên



eczaneyê de pevçûn derketiye.

Polîsan êrîş kir

Hate angaştin ku piştî xebatkarê eczaneyê jî hatine cihê bûyerê polîsên li ber nexweş-

aneyê bombeyê gazê avêtine eczaneyê û êrîşê xebatkarên eczaneyê kirine. Piştî bûyerê 4 xebatkarên eczaneyê hatin binçavkirin û piştî îfadeya wan hate girtin serbest hatin berdan.

Xebatkarê Eczaneya Şîfa Ali İhsan Bahar, serpêhatiyên xwe vegot û diyar kir ku dema xebatkarê eczaneyê xizme xwe dibir bijîşk rayedarên girtîgehê gotiye 'personelên eczaneyê

nikarin têkevin polîklînîkê' xebatkarê wan negirtine hundir û wiha got: "Piştî me bûyerê bihîst em çûn nexweşxaneyê. Lê hemû hêzên ewlehiyê yê nexweşxaneyê êrîşê me kirin. Piştî polîs hatin. Polîsan jî li me dan. Gaza îsotê bikar anîn. Di nava gelek nexweşan de li me dan."

Bahar, destnîşan kir ku li şûna polîs navbertyê bike li wan dan û wiha dom kir: "Rayedarên nexweşxaneyê û polîsan êrîşê me kir. Polîsan got 'Ev kurd in, li wan bidin.' Gaza îsotê avêtin ser me. Ez ne kurd im. Ez jî Erdemliyê me û yoruk im. Polîsek ket eczaneyê û gef li me xwar. Piştî bûyerê ez li 155'an geriyam û bi komser re axivim. Ji min re got were qereqolê. Li ser vê yekê ez Qereqola Polîsan a Guneşkînt a Toroslarê. Min li wir bi amîrekî re hevdiyan çêkir. Dema min mijar vegot ez avêtim derve. Bi polîsên din re aciz bû û got 'Çima hûn vîya digirin hundir?' Dîsa polîs hatin eczaneyê û gef li me xwarin." MÊRSÎN

Protestoya Redkarê wijdanî

Redkarê wijdanî Enwer Aydemîrê ku, bi tawanbariya 'dij fermanan derketiye' li Girtîgeha Leşkerî ya Eskîşehîrê tê girtin, biryar da ku tevli rûniştinan nebe. Enwer Aydemîrê, ji girtîgehê hatibû berdan, lê ew biribûn leşkeriye. Aydemîr leşkerî bi wijdanî red kiribû. Ew niha dîsa li Girtîgeha Leşkerî ya Eskîşehîrê girtiye. Rûniştina wî ya dawî bo roja 2'ê heziranê hatibû paşxistin. Lê wî biryar daye ku, ew dê tevli rûniştinan nebe. Parêzêrê wî Davut Erkan diyar kir ku, Aydemîrê ku tevli rûniştina dawî nebuye, wê jî iro pêde jî tevli rûniştinan nebe. **ESKÎŞEHÎR**

'Bila failên tacîzê bîn cezakirin'

Meclîsa Jinê ya BDP'ya Îzmîrê, xwest ku kiryarên tacîzkirina Endama Meclîsa Jinê ya BDP'ya Amedê û bûyera tecawîzê ya li Sêrtê bîn cezakirin. Li Îzmîrê, Meclîsa Jinê ya BDP'ê, li avahiya rêxistinê tîkildarî tacîzkirina Endama Meclîsa Jinê ya BDP'ê ya Amedê û bûyera tecawîzê ya li Sêrtê daxuyaniyek da çapemeniyê. Dayikên Aştiyê, ÎHD, ÇHD, ESP, EKD, BKÎ û SFK jî piştgirî dan meclîsa jinan. Seroka BDP'ya Navçeya Konakê Parêzêr Canan Uçar, daxuyani xwend û di axaftina xwe de politikayên AKP'ê rexne kir. Uçar, da zanin ku bi van êrîş, tacîz û tecawîzan rê li ber tîkoşîna jinên kurd bigirin û der birî ku li hemberî vî jî tevgara jinê ya kurd ji kampanyayekê daye destpêkirin. Uçar, di dawîya axaftina xwe de xwest ku kiryarên tacîzkirina Endama Meclîsa Jinê ya BDP'ya Amedê û bûyera tecawîzê a li Sêrtê bîn cezakirin. **İZMİR**

İHD'a Rihayê kongreya xwe pêk anî

İHD'a Rihayê 11'ê min Konreya xwe a asayî pêk anî. Serokê Egitim Senê ya Rihayê Sitki Dehşet, di kongreyê de axivî û diyar kir ku pirsgirêka efûkirina zarokan tune, pirsgirêka rê û rêbazên dibin sedema zarok tevli çalakîyan bibin heye.

11'ê min Konreya Asayî ya İHD'a Rihayê bi tevlibûn gelek kesan li Navenda Çandê ya Şaredariya Rihayê pêk hat. Serokê BDP'ya Rihayê İbrahim Ayhan, Nûnerê Herêmê yê İHD'ê Alî Akinci, Serokê Baroya Rihayê Yayha Demirkol, Serokê Şaxa MAZLUMDER'ê Meral Dervîşoğlu, nûnerên sendîqayan KESK'ê û parazvanên mafê mirovan amade bûn. Li salonê pankartên "Bila wînda bîn dîtin, berrîşyar bîn darizandin". "Bila êdî dayik negirin" hatin daliqandin. Serokê BDP'ê İbrahim Ayhan, di kongreyê de axaftinek kir û li ser nîqaşên guhertina maqeqanûnê sekînî. Piştî Ayhan, Serokê Şaxa Egitim Senê Sitki Dehşet jî nêrînen xwe anî ziman û got: "Pirsgirêka efûkirina zarokên tune. Pirsgirêka zagon û rêbazên ku dibin sedema zarok beşdari çalakîyan bibin heye. Divê ev zagon bîn guhertin.

Piştî xwendina raporên malî û faaliyetê dest bi hilbijartinan hate kirin. Di encama hilbijartinan de Cemal Babaoglu, Ruken Şahin, Nail Çetin, Muslum Kina, Nadile Şaşkin, Cengiz Eriş û Huseyin Karakeçili ji bo rêveberiya Şaxa İHD'a Rihayê re hatin, hilbijartin. **RIHA**

Banga diyalog û çareseriyê hate kirin

Komelaya welatiyê Azad a li Taxa Yenimahaleyê bi beşdarbuna sedan kesan hate vekirin. Di vekirina komeleyê de hate xwestin ku operasyon bi dawî bibin.

Komelaya Gelê Azad a Taxa Yenimahaleyê bi beşdarbuna sedan kesan bi merasimê hate vekirin. Di merasima vekirina komeleyê de Parlamenterê BDP'ya Wanê Ozdal Uçer, Şaredarê Wanê Bekir Kaya, Şaredarê Artamête Abdulkerim Sayan, Şaredara Sixkeyê Nezahat Erguneş, Alikarê Serokê BDP'ya Bajêr Nurettin Turgut, Rêxistinên Ciwakî yê Sivîl, Dayikên Aştiyê jî amade bûn. Di vekirina komeleyê de jinan bi cilên geleri xwe xemilandin û govend hatin girê-

dan. Di vekirina komeleyê de Alikarê Serokê BDP'ya Bajêr Nurettin Turgut axaftinek kir û xewst xwîn raweste. Turgut, diyar kir ku ew weki kesekî qazidê aştiyê bang dike ku bila operasyon bîn rawestandî û xwîna ku diherîki bî sekinandin û wiha axivî: "Muhatabên vî pirsgirêkê hene, divê bi wan re bê rûniştin û diyalogê pêk bînin. Divê xwîn rawestînin." Piştî axaftina Turgut Şaredarê Wanê Bekir Kaya jî axaftinek kir û diyar kir ku felsefeya welatiyên azad ku di sala 2004'an de ji hêla Rêberê PKK Abdullah Ocalan derxist holê hê nehatiye fêm kirin. Kaya wiha got: "Felsefeya welatiyên azad divê baş

bê fêm kirin. Ev felsefe jî bo pêşxistina çanda demokrasîyê gelek girîng e lê desthiladar û dewlet dixwazin vî felsefeyê vala derbixin û li ser navê operasyonên KCK'ê bertaraf bike. Siyasetmedarên kurd bi hinceta endamên KCK'ê ne tene girtin û ceza dixwin."

Piştî Kaya, Parlamenterê BDP'ya Wanê Ozdal Uçer axivî û got ku zarok, jin û ciwanên kurdan tînin binçavkirin û girtin. Uçer wiha axivî: "Armanca avakirina van komelayan pêşxistina azadî û demokrasîyê ye. Lê dewlet û hikûmet van saziyan kurdan terorîze dikin. Lê ew bixwe zarok, jin û ciwanên kurdan digire û terorîstiyê dike" Piştî axaftinan Komeleya Gelê Azad a Taxa Yenimahaleyê hate vekirin. **WAN**



Asîmîlekarana îcar jî destavêt Licê!

Terîqeta Fethullah Gulen vî carê jî dest avêt navçeya Licê ya ku, cihek xwe yê girîngî di tîkoşîna azadiya kurdan de heye. Terîqeta Gulen, dibin navê holên xwendinê yê EHİDER'ê li navçeyê dest bi rêxistina xwe kiriyê û di navçeyê de lez daye xebatên vekirina malek ya xwendevan.

Ne Hemidiyan karî di destpêka sed salê de bikevinê, ne jî Hizbul-Kontra û cerdevaniya ya salên 1990'an. Lê niha Terîqeta Fethullah Gulen dibin navê

rêxistina 'olî' û 'destek dayîna perwerdê' ya ji bo xwendekaran, dixwaze bixwe navçeya Licê ya Amedê. Destavêtina Licê ya Terîqeta Gulen ya weke oca-xên Asîmilasyonê jî tînin binav kirin balkêşe.

Qeymeqamtî piştgiriyê dide

Terîqeta Gulen ya dibin navê olî de mîsyonertî yê dike, jibo ku zarokên Licê bigire oca-xên asîmilasyonê, bi qeymeqamtîyê re tevdi-gere. Qeymeqamtîyê bi rêkirina xwendekaran ya ji bo

'Dersxaneyê Surê' ya li navçeya Erxenî ya Amedê dest tek dayî terîqetê, ji aliyê din ve jî hinek mamostayên ku girêdayî rêveberiya Perwerdeya Neteweyî ya Licê û hinek mele yê ku girêdayî diyanetê ne bi awayek rêkûpêk bi hev re xebatê dikin.

Terîqeta Gulen dibin navê holên xwendinê yê EHİDER'ê, xebatên xwe li navçeya Licê dimeşîne, di çarçoveya xebatên xwede, li nêzikî Licê û dibistana sere-tayî ya Demîrçelîk dest bi vekir-

rîna mala xwendekaran kir. Balkêşe ku, cihek xebatê yê Terîqetê li nêzikî dibistana hatine vekirin. Nişteci-hên Lice yê, ji karên terîqetê yê li navçeyê bi fikarin.

Hikûmeta AKP'ê di sala 2009'an de kesek girêdayî Terîqeta Gulen tayînî Rêveberiya Perwerdeya Neteweyî ya Navçeya Licê kiribû. Tê diyarkirin ku, Egitim Bîrsen, Saglik Bîrsen û hinek mele-yên girêdayî Sendikaya Wexfa Diyanetê jî, di nava rêxistinîkirina terîqetê ya Licê de kar dikin. **AMED**

Rojnameyên Vakît û Zaman derewan dikin

Rojnameyên Vakît û Zamanê derewê salên dawî yê herî mezin kirin. Her du rojnameyan cih da nûçeya rojnameger Fuat Dogansoy li Finlandiyayê hatiye binçavkirin. Lê derket holê ku Dogansoy par jî Stockholmê daxwaziya Finlandiyayê çêkirine lê daxuyaniya Finlandiyayê çêkirine lê daxuyaniya Finlandiyayê vî rengî nîn e. Her wiha di meheke dawî

Dogansoyê ku derneketibe derveyî Stockholmê çawa li Finlandiyayê tê binçavkirin û derket holê nûçeyan her du rojnameyan jî derew in.

Rojnameyên Vakît û Zamanê îdiakiribûn ku nûçe li gorî daxuyaniya Finlandiyayê çêkirine lê daxuyaniya Finlandiyayê vî rengî nîn e. Her wiha di meheke dawî

de li Finlandiyê tu kurdek nehatiye binçavkirin. Dogansoy niha li Stockholmê ye û rojnameger bixwazin dikarin bi ri-hetî bigihîjin! Taybet jî rojnameya Zamanê di nûçeya xwe de Fuat Dogansoy wekî hedef nîşan dabû û Dogansoy diyar kir ku dê bi riya parêzerên xwe giliyê her du rojnameyan bike. **STOCKHOLM**

Mêrsînê li dijî nukleerê meşyan

Bi sedan endam û nûnerên Platforma Dijberiya Nukleerê ya Mêrsînê û saziyên sivîl, li ber Taşbinayê jî hev kom bûn û heta avahiya AKP'ê ya Mêrsînê meşyan. Di meşê de endam û nûnerên BDP, KESK, Odeya Tabîban a Mêrsînê, Komeleya Romanên Akdenîzê TOK, Dev-Lis, Dev-Genç endamên Meclîsa Şaredariya Akdenîzê jî di nav de bi sedan kes amade bûn. Girseyê pankartên "Berhemên Nukleerê zirarê dide tenduristiyê", "Nukleerê dikuje, hûn jî li hember derkevin", vekirin û bi dirûmeyên heta AKP'ê meşyan. Li ser navê platformê Sebhat Aslan, diyar kir ku herî zêde enerjîya nukleerê zirarê dide jiyane û derdorê û xwest projeyên tîkildarî nukleerê bi dawî bibin. **MÊRSÎN**

Derewa 95 salan nîqaş kir in

Li Enqereyê bi mijara komkujiya ku li dijî ermeniyên pêk hatibû bi beşdariya akademîsyen û rewşenbîran sempozyumek pêk hat. Hate gotin ku dîroka fermî 95 sal in derewan dike û derewa bi salan nîqaş dikin. Hevserokên BDP'ê jî bi boneya komkujiyê daxuyanî dan

Prof. Dr. Fikret Başkaya li Enqereyê di sempozyuma ku mijara wê komkujiya ermeniyên bû de anî ziman ku bi vî sempozyumê ve derewa 95 salan hate nîqaşkirin.

Sempozyum jî bo kesên ku di komkujiya ermeniyên de jiyana xwe ji dest dane bi deqeyekî rêzgirtinê ve dest pê kir. Piştî rêzgirtinê Prof. Dr. Fikret Başkaya axivî û wiha got: "Em ê li vir derewa 95 salan nîqaş bikin. Li vir em ê tabuyekî pergale bê bandor bihêlin û ya rast ew e ku em ê li vir dîspêkekê hebe."

Fikret Başkaya da zanîn ku dîroka fermî li ser rastîyan girtî ye û ev bi destê dîroknasên fermî pê hatiye. Başkaya bi lêv kir ku divê derewkaran teşhîr bikin û wiha pê de çû: "Mirov dibêjin bav û kalê min tiştekî wiha nakin lê dîroka fermî vî yekê ji wan re dide gotin. Bi pesindayîna paşerojê ve vî yekê dikin. Lê gelo çima ev derew evqas ber xwe da. Ev bûyera bê şans û facta di demên dawî yê Osmaniyên de qewimîn. Komar di sala 1923'yan de hat avakirin û çima komar nikare vî pirs-girêkê bi rêvebibe. Ji ber ku di sala 1923'yan de qetîn pêk nehat û tenê darbeya hikumetê çê bû. Ji ber vî yekê yê ku ev komkujiyê pêk anî di rêveberiya komara nû de peywir girtin. Pirs-girêkek din jî ew e ku ji bilî durûtîya pergale durûtîya hêzên dagirker heye û berjewendiyên wan li cihêkî digihêjin hev. Ji bo mirovên normal



BDP: Divê Tirkiye bi trajediyê re rû bi rû be

Hevserokên BDP'ê Gultan Kışanak û Selahattin Demirtaş anî ziman ku bûyerên 1915'an hêj di wijdana mirovan de cihê xwe diparêze û wiha gotin: "Tirkiye 95 sal in vî pirs-girêkê nabîne û tune dihesibîne û edî bi vî pirs-girêkê re rû bi rû mayîna Tirkiyeyê divê pêk bê." Hevserokên BDP'ê Gultan Kışanak û Selahattin Demirtaş der barê mijarê daxuyanî dan. Hevserokan da zanîn ku li ser komkujiyê re 95 sal derbas be jî bûyer di hişê civakê de zindî ye. Hevserokan bi bir xist ku gelê ermenî di encama politîkayên îtîhatkaran de êşên mezin kişandin û di encama trajedîya ku ermenî jiyane di wijdana civakê de trajedî û birînen mezin çêbûne. Hevserokan bilêv kir ku ji bo ku li hember trajediyên dîroka wijdanên civakî paqij bibe divê

li hember dîroka rû bi rû bimînin û ji gelên mexdûr lêborînê bwestin û wiha hate gotin: "Ji bo ku di nava gelan de diyalog pêk bê, di navbera her du welatan de têkiliyên aştiyane çêbibe divê Tirkiye bi pirs-girêka ku 95 sal in înkâr dike re rû bi rû bimînin." Hevserokên BDP'ê dan zanîn ku çalakiya rewşenbîran ya bi navê 'Ev êşêşa me ye. Ev şîn şîna me ye' watedar e û gotin divê ji bo çalakiyên bi vî rengî piştigirî bê dayîn. Hat gotin ku BDP wekî partiyekî li dora heman hesantî piştigiriyê dide û heman nêrîn û hestan parve dikin. Hevserokên BDP'ê Gultan Kışanak û Selahattin Demirtaş wiha dawî axaftina xwe anî: "Em bi daxwaza ku êşên nû neyên jiyîn û pêşeroj di bin temînetê aştiyê de be em qurbanevê drama mezin bi rêz bi birînin." ENQERE

tirkan bûn. Axayekî kurdan tenê hebû lê ji ber ku kurdan ermeniyên re jî axatî dikir du axayên ermeniyên hebû. Nivîskar Adil Okay bibirxist ku ev qetîam di dîroka Tirkiyeyê de her tim pêk hatiye û piştî darbeya leşkerî ya 12'ê îlonê pîraniya wan kurd bi giştî 17 hezar kes hatine qetilkirin. Okay bi bir xist ku di girtîgeha Amedê de girtiyên kurd ji bo rûmetê xwe şewitandine. Okay diyar kir rêbazên ku Osmaniyên bi kar dianî di dema Tirkiyeyê de jî hatine domandin.

Rêvebirê Partiya Sosyalîst Mahîr Sayin anî ziman ku li Tirkiyeyê tenê li dijî ermeniyên na her wiha li dijî rum, asurî, suryanî û êzdîyan jî qetîam pêkhatine û lê di van qetîaman de li dijî kurdan serneketine û sedan sal in kurdan serhildane. ENQERE

tabû hatiye qedexekirin û ger kesên rêze nîqaşa vî mijarê bikin em ê bigihêjin armanca xwe. Dîrok ker û lal nîn e de bibihîze û bibêje. Ger em xwedî dîroka xwe derkevin, derewkar û yê

ku tabû avakirine teşhîr bikin dîroka me azad bike."

Meseleya hemû kesane
Hindekara Zanîngeha Hacettepeyê Sîbel Ozbudun anî ziman ku ger ermeniyên dias-

porayê dev jê berdîn jî divê ew vî meselê hel bikin û paqijkirina vî xwîna bi jehr peywira hemû kesî ye. Prof. Dr. Baskin Oran bi lêv kir ku di sala 1071'ê de tirk hem axayê kurdan û hem jî axayê



Mizgin Bingol

bingolmizgin@gmail.com

Xizaniya kurdên ji rojhilatê Kurdistanê yê li Wanê

Dema zaroka min mir kesekî nehat zaroka min hilneanî, li vir li vî bajarî, li Wanê, kefen tunebû ku em li zaroka min bipêçin û mîrê min li gorî zaroka min kola û ew veşart dibêje Zozan ku ji ber jî ber zilma rejîma Îranê bi malbata xwe re reviyaye û hatîye bajarê Wanê. Ji keder û bêkesiya penabertiyê zaroka Zozanê zû xwedê dide û demeke şûnde zarok dimire. 'Min ber ku bi tirkî nizanibû heta heft mehan digot belkî min miqayitî zaroka xwe nekiriye jî ber wê miriyê.'

Hozan Şivan di stranê xwe ya li ser Helepçê dibêje 'Çiqas zor e mirov di nava welatê xwe de hêsir be'. Erê kurd di nava welatên xwe de penaber in, kurd di nava welatê xwe de bi ziman û çanda xwe nizanin erê li bajarê Wanê kurdan dibêjin Îranî û muameleyên bi-yanîyan li wan tên kirin.

Ez jî bo bernamêya Nûjîyan ku ez li Newroz TV çêdikim demekê berê li bajarê Wanê bûm. Birastî rewşa penaberên kurd yê li Wanê wisa kir ku hişmendî û refleksên kurdan yê di warê neteweyî de di ber çavan re derbas bikim. Bajarekî ku tirk bîjin pozê sola we xware serî hildede lê nikare heman nêzikatiyê bo kurdên ku ji ber zilma rejîma Îranê reviyane nîşan bidin.

Û dayika Meryem, Rîza û bi dehan kesan... Ev deh sal in bi tenê di binê xaniyekî hilweşiya de, temen gihiştîye 80 salî, dayika du şehîdan û girtiyekî. Dengbêj Ewvalde Zeynekê dibêje, 'Temo lawo xweziya mirin hebûya xizani tunebûya'. Ev gotin herî zêde li dayika Meryem tê. Ev jî malake mezin e, ji malbata Miraniyên Îranê, ji sofreyeke tîr û tije, li vî bajarî bi 100 TL'î ku ji fona feqîr û fuqareyan digir e, 80 dide kirê û tenê 20 TL dimîne. Di wî halî de dixwaze çayê îkramî min bike û ji her çend deqeyan carekê dibêje 'ka ez hêkan ji bo te çêbikim'. Digire û dibêje 'bila kurdên vir ji min re nebejin, ev Îraniya haan.'

Ez nizanîm çî bi kurdan hat. Dema Sedam di salên 90'î de êrîşî kurdan kir û kurdên ji başûr bûn penaberê bakur, hemû kes bi hev re seferber bûn. Gava min çirokên çiqas neheqî li kurdên ji rojhilatê tene kirin guhdarî kir bi rastî di serî de weke kurdekê, piştê jî wek mirovekê min şerm kir. Rîza ye ku 13 salan pêşmergê jî bo kurdan kiriyê te asta ku dibêje, ez edî ne kurd im..., divê em hemû xwe careke din di ber çavan re derbas bikin.

Zordestiya polisên tirkan

Di serî de bi van kesên îmzeyan didin kirin ku ew bi tu awayî di nava siyasê de cih nagirin. Ne Neteweyên Yekbûyî ne jî kesekî din pere didin lê dewleta tirk her meh 80 milyonî ji bo heqê erdê ku esas ew xwe-diyê wêne ji wan digire. Gelekan ji wan bi dizî teslîmî Îranê dikin, Îran an îdam dike an jî wan diavêje zindanan bi şertên dijwar. Kesek dibêje, carekê hevalekî me hate girtin û wî digot, heta bigihêje çayciyê qereqolê bi şilmaqan li min da, edî hûn hesap bikin ka polisên çiqas lê kiribe.

Nivîsa min dirêj dibe lê kurd hemû bira ne, gava me sinorên ku dewletan dane navbera me bi awayekî derunî pejiwand wê demê têkçûna kurdan bi giştî ye. Û heger ev kurdên penaberên ji Rojhilatê ku di nava wan de malbatên şehîdan PKK'ê jî hene di nava xizaniyê de ne divê em hemû kes kumê xwe deynin erdê careke din bifikirin. Di serî de weke kurd piştê weke berpirsariyê mirovatiyê...

Bila îstîsmara zarokan jî holê bê rakirin

Komeleya Psîkiyatîyê ya Tirk (TPD) û Komeleya Pîsporên Tipê ya Adlî (ATUD), bertek nişanî bûyera teceawîzê ya li Sêrtê pêk hatî dan û xwestin ku tedbîr bînin girtin.

Di daxuyaniyê de hate diyarkirin ku li Tirkiyeyê îstîsmara zarokan herî zêde dibe û wiha hate gotin: "Tirkiye li gorî wela-tên din ên cihanê jî bo pêşvebirina insan, zarok û malbatan din di asta herî dawî da ye." Hate destnîşankirin ku li Tirkiyeyê li ser 16 hezar zarokan lêkolîn hatîye kirin sedan 33 rastî îstîsmarekê hatine. Di daxuyaniyê de hate ziman ku îstîsmar zarok jî ber bê kartiyê, şidetê û gelek sedemên din zêde dibe. Zarokên rastî îstîsmarê tenê temenê wan di navbera 8-12'an de ne û wiha hate daxuyandin: "Zarokên rastî îstîsmara zayendî tenê sedan 60-70 zarokên keç pêk tî. Li gorî xebata Saziya Tipê ya Adlî ya Setbolê di navbera salên 2000-2001'an de li Stenbolê kir hezar 455 zarok rastî êrîşa zayendî hatine û jê hezar 236 zarok keç in. Herî zêde di temenê 7-11'an de ev yek pêk tî. Di nava 5 salên dawî de îstîsmara zarokan zêdebûye. Herî zêde di îstîsmara fizîkî û zayendî de zêde dibe." ENQERE

'Berpîrsiyarê mayinan dewlet e'

Parêzvanên mafên mirovan, destnîşan kirin ku berpîrsiyarên teqîn û mayinên di demê dawî de zêde li der û dorê tînin teqandin dewlet e û xwest dewlet di demê nêzik te mayiyên li herêmê paqij bike. Parêzvanên mafên mirovan diyar kirin ku li Tirkiyeyê hiqûqa şer bin pê dibe. Ji parêzerên ÎHD'ê Serdar Çelebî, diyar kir ku berpîrsiyarê mayinan dewlet e.

Li herêmê di demê dawî de zêde mayin diteqîn û di encama van teqemeniyên de gelek zarok birîndar dibin û tînin kuştin.

Rêvebera Şaxa ÎHD'ê ya Amedê Racî Bilîcî, diyar kir ku li herêmê di teqînan de zêdebûnek heye û wiha got: "Di teqînan li herêmê pêk tînin de gelek mirovan jiyana xwe ji dest da. Berpîrsiyarên van teqemeniyên leşker û cerdevan in. Di van teqînan de herî zêde zarok mexdûr dibin. Ketober mayînan li zevîyan bi cih dikin. Ev yek li dijî peymanê mafên mirovan û

hiqûqa şer e." Bilîcî, destnîşan kir ku beşî teqemeniyên ji herêmê paqij bikin bang li weyatîyan dikin û dixwazin li gundê xwe vegezin.

Ji parêzerên ÎHD'ê Serdar Çelebî jî bertek nişanî vî yekê da û diyar kir ku ji ber pevçûnê rayedarên leşkerî serober li pey xwe mayin û teqemeniyên dihelîn û wiha got: "Rayedarên dewletê li aliyekî li hemû çol û çîyan mayinan diçîne, li aliyê din gundan vala dike. Pişt re dewletê projeya vegera gundan amade kir. Lê li hemberî vî yekê tu tedbîr nêstandin. Çelebî anî ziman ku dewletê tu amadekarî nekiriye û teqemenî jî herêmê paqij nekiriye û wiha got: "Ev teqemeniyên ku hatine bi cih kirin de her tim jiyana welatîyan dixwe xetereyê. Divê ev mayin hemû bînin haqîjkirin. Her çiqas dewlet divê ev mayinên rêxistinê ne jî di encama lêkolînan de gelek mayin aydî dewletê derdikevin."

'Berpîrsiyar dewlet e'

Çelebî, destnîşan kir ku cihê dewletê mayin lê çandine îşaretên hişyariyê lê bi cih nekirine û wiha dom kir: "Cerdevan bi şevê mayinan bicih dikin û piştê dibe sedema kuştina mirovan. Cerdevanan ango leşkeriyê bi cih kiribe jî dîsa berpîrsiyarên van teqemeniyên dewlet e. Divê dewlet berî her tiştî van mayinên paqij bike." AMED



Nehîştin dayikên aştiyê Demîrbaş bibînin

Însiyatîfa Dayikên Aştiyê ya Amedê xwestin ku bi şaredarê girtî yê Sur a Amedê Abdullah Demîrbaş ku di nexweşxaneyê Zanîngeha Dicleyê de tedavî dibîne bibînin. Şaredarê Surê Abdullah Demîrbaş di çarçoveya operasyona ku li

dijî BDP'îyan pêk hat de hate girtin û Demîrbaş jî ber ku nexweş e ev demek e di nexweşxaneyê Zankoya Tipê ya Zanîngeha Dicleyê de tedavî dibîne. Dayikên Aştiyê jî bo ku Abdullah Demîrbaş ziyaret bikin çûn nexweşxaneyê. Lê leşke-

ran nehîştin ku dayikên Aştiyê Abdullah Demîrbaş ziyaret bikin. Dayikên Aştiyê gulên ku ji bo Demîrbaş anîbûn jî Demîrbaş re şandin. Dayikên ku nehîştin Abdullah Demîrbaş ziyaret bikin jî nexweşxaneyê vegeziyan. AMED

Tevkujiyê dîkin mijara bazarê

Roja 24'ê Nîsanê wek roja tevkujiya ermenîyan dertê pêş. Lê bazarên politîk ên Tîrkiye, Ermenistan, Azerbaycan û Amerîkayê nahêle mijarên wisa hesas li gor nîrxên hiqûqa navneteweyî û mafên mirovan bê nîrxandin

NAVENDA NUÇEYAN / AMED

Nakokîya di nav Azerbaycan û Ermenistanê de û bazara politîk a navneteweyî de tevkujiya ermenîyan jî tê îstîsmarkirin. Ev mînak mijarê vedibêje: Serokmare Azerbaycanê İlham Aliyev piştî civîna şewrê ya Wezaretê Pa-rastîna Azerbaycanê daxuyanî da televizyonan. Di daxuyanîyê de bal kişand ser girîngiya xurtkirina artêşa Azerbaycanê û got: "Ev ji bo me meseleyeke pir girîng e".

Aliyev bi sîfata serfermandariya giştî beşdarî civîna Wezaretê bû û di civînê de li ser rapora Wezîrê Parastîne yê Azerbaycanê Sefer Abiyev amade kiribû hûr bû.

Aliyev bal kişand ser peyma-nên Madrîdê yê hatî nûkirin û wiha pêde çû: "Axa hevgirtî ya Azerbaycanê bi tu awayî nabe mi-jara diyalog û nîqaşan." Aliyev vedibêji ku Ermenistan bi hewldanên cihêreng pêşî li çareseriyê digire û dixwaze dagirkeriya li ser erdê Azerbaycanê mayînde bike.

Aliyev destnîşan dîke ku dema serê Ermenistan û Azerbaycanê de alîgirên Ermenistanê bi helweste-ke dijwar dijberiya Azerbaycanê kirine. Ji bo vê jî got 'tevkujiya hocaliyê' mînakê şênber e. Aliyev vedibêje ku Ermenistan guh nade 4 biryarên Neteweyên Yekbûyî û bi piratîka xwe wan bînpê dîke.

Aliyev piştî hevkarîya Tîrkiye û Ermenistanê bertekên xwe yê di dij Tîrkiyeyê jî venasêre. Piştî tî-kîliyên Tîrkiye û Ermenistanê pêş ketin û protokol di nav her du alî-yan de hatin mohrkirin Bakuyê bertek nîşan da. Ala Tîrkiyeyê ya li ser hin gorên tirkan yê li Azer-baycanê daxist û eyareke nû da tî-



kîliyên bi Tîrkiyeyê re û politîka xwe ya Tîrkiye û Amerîkayê rewestand.

Azerbaycan bi politîka dawî Tîrkiye û hikûmeta AKP'ê jî bi îxanetê sûcdar dîke û dibêje 'ka 2 dewlet û miletek.' Erdogan gotibû Tîrkiye û Azerbaycan wek '2 dewlet û miletek e'

Azerbaycan piştî hilweşîna Sovyetê bi ser Tîrkiyeyê re demeke dirêj ket nav barometreya politîkayên Amerîka û Ewropayê. Pirojeya xeta lûleyê ya neftê a Bakû-Ceyhan pêngava şênber ya

vê politîkayê bû.

Lê piştî îxaneta Tîrkiyeyê û pêşveçûna tîkîliyên Tîrkiye û Ermenistanê Aliyev qibleya politîka Azerbaycanê ya navneteweyî jî nû ve guhert. Berê xwe da Moskovayê.

Niha Amerîka jî, Tîrkiye jî ji ber vê ketine nav panîkê. Dixwazin dilê Bakuyê xweş bikin. Ji bo vê jî protokolên nav Tîrkiye û Ermenistanê roja 10'ê cotmeha par li Zurîhê hatibûn mohrkirin hat rawestandî.

Heke Azerbaycan biryardar tevbigere û hevkarîya bi Moskovayê re derxe asta stratejîkê de po-

litîka Amerîka û Ewropayê ya li ser Qafqasyayê iflas bike.

Azerbaycan wek 'serê kaniyê' ya Qafqasyayê ye. Berdewama politîkayek wisa pêşî li projaya Nabokayê ya jî digire. Bi kêmanî dê şaxa projeya Nabokayê ya jî Qafqasyayê tê û biçê Ewropayê jî nihave bi pêşketina hevkarîya Ermenistan û Tîrkiyeyê di bin rîska mezin de.

Obama di bin wan hesabên de îsal jî nego 'tevkujiya ermenîyan' û di nav bédengiyê de pişt dide da tevkujiya Tîrkiyeyê ya li ser kurdan tê meşandin.



Bürhan Erdem

burhanerdem@hotmail.com

Dîasporaya ermenîyan nexapiya

Komkujiya ermenîyan wekî yekemîn qetlîama ji sed sala bîstan mayî, beriya 95 salan pêk hatibû. Lê tevî ewqas salên di ser re çûyî, vî sîcê mirovahiyê hinê jî di nav diplomasiya nava dewletan de dibê mijara bazariyan. Sedema vê yekê jî ew e ku hê jî rêveberiya Tîrkiyeyê, vê komkujiyê înkâr dîke. Lê bi saya tîkoşîna ermenîyên jî tevkujiyê rizgar bûne ku îro neviyên wan kal û pîrên xwe dişopînin û dor li komara Tîrkiyeyê teng kirine.

Mînakê herî mezin a karûbarên Tîrkiyeyê asteng dîke yê dîasporaya ermenîyan li Fransayê ye. Li Fransayê nîfûsa ermenîyan bi qasî nîv mîlyon mirovî ye ku bi vê yekê jî bûye welatê herî pir ermenî lê dijîn ê Ewropayê. Fransa yek ji wan welatan e ku lobi û aktivîte-yên dîasporaya ermenîyan lê çalak e. Di encama vê çalakiyê de jî, qirkirina ermenîyan a sala 1915'an, gelek caran di-keve rojê çapemenî û siyaseta Fransayê. Lobiya ermenîyan ev bi salan in xebatên xwe li Fransayê dimeşîne. Dew û doza wan ew e ku, welatên din nasbikin ku ew li Tîrkiyeyê niha hatine qirkirin.

Xebatên ermenîyan fêkiya xwe ya herî baş di 29'ê temûza sala 2001'an de bi destxistibû. Wê rojê parlamentoya Fransayê qetlîama ermenîyan nas kiribû, lê bi vê jî nema û Fransayê jî bo înkara vê qetlîamê jî qanûnek derxist. Ji kesên vê komkujiyê înkâr dikirin re ceza tê xwestin. Sedema ku ermenî jî bo ceza-kirina înkara qetlîamê tevbigerin jî kampanyayekê tîrkên li Ewropayê bû. Li Berlînê çalakiyên biranîna Talat Paşa hatibûn orgnîzekirin ku Talat Paşa ber-pîrsê li pêş ê qirkirina ermenîyan e. Di sa çalakiyên neteweperestan hebûn ku ermenî tehdît dikirin, herwiha pîr-tûkên qetlîama ermenîyan înkâr dikin jî, bi hemû zîmanên ewrûpî hatibûn çapkirin.

Ev xebata hanê jî di dema hikûmeta AKP'ê de, li ser navê xebatên tevlibûna Tîrkiyeyê ya Yekîtiya Ewropayê, dihat kirin. Yanî bi gotineke din, di dîroka Tîrkiyeyê de, yê herî li dijî ermenîyan xebatên bi tesîr dan meşandin, AKP bûn. Dema ev dikir jî hikûmeta AKP'ê bahsa vebûna ermenîyan dikir. Çûn û hatina wan û ermenîyên Ermenistanê zêdebûbû, heta li Brukselê gelek hevî dihatin belavkirin ku ew ê Tîrkiye komkujiyê nasbike. ermenîyên xwe-fîroş jî hebûn ku tevli xebatên AKP'ê yê li Ewropayê dibûn. Li Parlamen-toya Ewropayê, tîrk û ermenîyên jî AKP'ê bawer konferansên çandî ama-dedikirin. Piştî qetla Hirant Dînk, Se-rokwezîr Erdogan soza peydakirina qatîlên wî dabû, serokkmar Abdullah Gul çûbû, li Êrîvanê li maça millî te-maşekiribû û hwd.

Yên bi siyaseta AKP'ê nexapiyan û zexta AKP'ê herî hîskirin, dîasporaya li Ewropayê bû. Fransa di serî de, tevî Dewletên Yekbûyî yê Amerîkayê, gelek dewletên mezin di karûbarên xwe yê bi Tîrkiyeyê re de nas kirina qirkirîna der-dîxin pêş. Di berdêla wê de jî, berjewendi-yên aborî û siyasî bi dest dixin. ermenî jî vî alî ve jî ji rewşê haydar in û tîkîliyên xwe yê bi parlamentoyan re, di ser hikûmetan re digrin. Vana îro li hemû we-latên Ewropayê derketine çalakiyan û protestoya xwe jî cihanê re radigihînin. Daxwaza wan jî ew e ku dewletên mezin ên cihanê vî sîcê mirovahiyê, nekin amûreke bazariyên qirêj.

Li Tîrkiyeyê tevkujiyê didome

Ermenîyên li Dewletên Yek-bûyî yê Amerîkayê dijîn bo ku tevkujiya ermenîyan ya 24'ê nîsana 1915'an li ber Qesra Spî xwepêşandana protestoyî li dar xistin. Xwepêşandêran zext û zorên li ser kurdan mînak nîşan dan û gotin: "Hêjî li Tîrkiyeyê tevkujiyê ye û ev tevkujiya li dijî kurdan jî bo vê mînakê şênber e."

Di xwepêşandane de bang li serokwezîrê DYA'yê Barack Obama kirin û jî xwestin tevkujiya ermenîyan ya sala 1915'an wek tevkujiyê qebûl bike. Obama duh li ser tevkujiyê axivî. Lê wek ku dihat payîn Obama peyva tevkujiyê bikar neanî.

Xwepêşandêran Tîrkiyeyê bi înkarkirina dîrokê sûcdar kirin û vê bangê kirin: "bê bi

dîroka xwe re rû bi rû be."

Xwepêşandêran bo ku bal bikişînin ser xwê rêbazên balkêş bikar anîn, devê abî-deya azadiyê bi ala tîrk girê-dan û meşîyan.

Bi daxuyaniyan diyar kirin ku Tîrkiyeyê jî mîj ve xwedî hişmendiya tevkujiyê ye û ev hê jî didome û wiha hat gotin: "Li dijî nîfûza kurdan bê navber politîka tevkujiyê desthilatdare û didome. "Hat aşkerakirin ku Tîrkiye zirara herî mezin dide mîratêya çandî ya gelan.

Kelekî ermen li ser kursiya bi tekerlek ku zarokên ew anîn xwepêşandênan pirtir bal kişand. Kalê ermen pangakrta ku li ser "Ataturk damezrînerê tevkujiya Hitler e" nivîsandî berz kir. WASHINGTON

NATO dê îsal vedikişê

Di civîna paytexta Estonya Talînê bo destgubertîna desthilatdariya rêveberiya Afganistanê û vekîşîna leşkerên NATO'yê ya ji Afganistanê dîrok hat diyarkirin.

Li Afganistanê di bin fermandariya NATO'yê de jî 40 welatan 80 hezar leşkerên biyanî hene.

Di civînê de baryar hat girtin ku vekîşîna di nav vî salê de dest pê bike. Amerîkayê jî aşkera kir ku jî serê tîr-meha 2011'an û şûn ve dest bi vekîşîna ji Afganistanê dîke. Washington berya ku dest bi vekîşîna bike lez da ku desthilatdariya Afganistanê ya ewlehî û artêşê dewrê polis û artêşa Afganistanê bike.

Di civînê de, li ser mijarê Sekre-terê Giştî yê NATO'yê Anders Fogh Rasmussen axivî. Di axaftinê de got ku pêwîstî heye NATO lez bide perwerdeya polis û artêşa Afganistanê. Ji

bo vê jî destnîşan kir ku pêwîstî bi 450 peywardarên perwerdeyê heye.

Rasmussen di roja duyemî ya dawî de axivî û li ser çekên nukleerî jî rawe-tiya. Rasmussen xwest ku NATO hêza xwe ya nukleerî heta ku li cihanê di destê welateke din de çêka nukleerî hebe biparêze. Hin welatên Ewropa ku Almanya jî di nav de dixwest Amerîka bê ku angajeyê hêzeke din bibe çekên nukleerî yê li Ewropayê kêmbike.

Berya Rasmussen Wezîra Karên Devre ya Amerîkayê Hilary Clintonê jî destnîşan kiribû ku Amerîka çekên nukleerî bi yekalî kêmbike. Bo ku Amerîka çekên nukleerî kêmbike xwes bi muxa-tabên nukleerê yê wek Rûsyayê re lihev bike. Di çarçoveya du alî de çekên nukleerî dê kêmbike. Ev jî hisiyata di asoyê nêz de ne pêkane çekên nukleerî bîn kêmbikin derxist pêş. TALLÎN

LARA

Werin **LARA** yê cudahiye bibînin

LARA navnîşana erzaniyê!
Cil û xemla malê
Cilên folklorîk
Cureyên cilên kurdewar
Û ji bo dawetan rûyên mase û sandalyeyan

Nîşer: Her wiha hemû cureyên cilan bi erzaniyê kirî tê dayîn

Navnîşan: Cengizler Cad No:14 Baglar - Amed
Tlf: 0 (412) 233 30 13 Gsm: 0 (539) 270 38 97

Yewnanîstan li ber îflasê ye

Hikûmeta Atînayê bo ku pêwîstiyên lez-gîn bibersivîne xwest paketa hatî pêşni-yarkirin bikeve meriyetê. Serokwezîrê Yewnanîstanê Yorgo Papandreu fermî serî li YE û IMF'yê da bo ku paketa krêdiya 60 mîlyar dolarî bidîne.

Serokwezîr da zanîn ku girtina pa-keta krêdiyê jî bo sererastkirina aboriya Yewnanîstanê gaweke jêner e.

Bang jî destnîşan dîke ku butçeya Yewnanîstanê jî rêjeya ku tê texmîn

kirin jî kambaxtir e. Li gor hejmarê dawî deynê Yewnanîstanê yê der bi qasî jî sedî 13,6'ê dahatuya millî ya Yewna-nîstanê ye. Piştî aşkerakirina hejmarên nû saziya krêdiyê ya Moody's derceya krêdiya Yewnanîstanê jî A3'yan daxist A2'yan. Ji ber derceya kêmbike ya krêdiyê Yewnanîstanê ancax dikare krêdiya jî sedî 8 bikar bîne. Yekîtiya Ewropa û IMF'yê paketa mijarê ya 60 mîlyar dolarî pêk tê jî sedê 5 faîzê dide Atînayê. ATÎNA

Dê bibin pira yekitiyê

Parlamentera DEP'ê ya berê û yek ji amadekarên Konferansa Jinên Kurd Leyla Zana diyar kir ku îro "Cejna ronansa jinên kurd e" û hêvî dikin ku ev bibe sedema konferanseke neteweyî



Îro jî konferans didome



Amed mala hemû jinên kurd e

Di çarçoveya Konferansa Jinên Kurd li Amedê kokteylek li salona Pêşengehê ya Navenda Çanda Cegerxwîn hat lidarxistin. Endamên DOKH'ê, Parlamentera DEP'ê ya berê Leyla Zana, Hevseroka KCD'ê Yuksel Genç, ji Almanayê keça Qazî Muhammed Suheyra Qazî, ji Amerikayê Prof. Dr. Kajal Rahmani, parlamenter, akademisyên û gelek beşdarvanên ji başûr, rojhelat, rojava, Amerika û Ewropayê hatibûn beşdarî kokteylê bûn.

Di kokteylê de pêşengeha wenasaz Nevîn Gonger Reşan a bi navê, "Azadiya min di nasnamaya min de veşartîye" hate pêşandin. Di pêşengehê de wêneyên jinên têkoşer ên kurd ên wekî Zekiye Alkan, Leyla Kasim, Leyla Bedirxan, Meryem Xan, Aysel Şan, Rewşen Bedirxan û gelekî jinên navdar ên din hatin pêşandin. Ji amadekarên Konferansa Jinên Kurd, Leyla Zana axaftinek kir. Zana, xêr hatina delegeyan kir û got ku ew îro malovaniyê nake û got: "Amed mala hemû jinên kurd e. Em niha bi hev re li ser axa xwe ne." Zana, ji bo amadekariyên DOKH'ê jî spasiyên xwe kir û da zanin ku jin bi salan e tekoşina azadiyê didin û timî kolanan li ser piyan in û wiha axivî: "Jinên kurd li rojhilata navîn bûne stêrk. Û li cihanê minak. Ez ji ber vê asta jinên kurd gihîştinê jî gelekî bextewar im." Zana, têkildarî amadekariyên hunerî jî destnîşan kir ku huner carna di wêneyekî, carna di çavekî û di şeklekî de dibe xwedî karekter.

Konferansa Jinên Kurd ê li Amedê tê lidarxistin ji pênc beşan pêk tê. Di her beşê de axaftina pênc axêveran hate plankirin. Di konferansê de bi giştî pirsgrêkên kurdan û bi taybetî jî yên jinan çî ne, dê bîn nîqaşkirin.

Ji înkâr û redkirina nasnamayê bigirin heta gelek şiklên şidetê, yên wekî recm, sunetkirina jinan, kuştin û qetilkirina jinan ên li ser navê namûsê, şideta li malê, berdêl, zewaca bi darê zorê, şideta cinsî ya ku ji hêla dewletê ve pêk tê, taciz û tecawiz û qedexekirina zimanê zikmakî û hwd. û şiklên cudahiyan pîralî û rêbazên tekoşinê yên bi wan pirsgrêkan re tîn nîqaşkirin.

Perspektîfa jina kurd

Yek ji tenê nîqaşên li ser pirsgrêkan na, perspektîfên jinên kurd ên ji bo çareseriyê û rêbazên wan ên tekoşinê jî dê bîn kifşkirin. Wekî din ligel cudahiyan civakî û erdnîgariya ku jinên kurd lê dijîn, wate û girîngiya piştgiyariya

neteweyî ya demokratîk çî ye, di konferansê de tê parvekirin.

Bi salan in ji hêz û partiyên siyasî yên kurdan daxwaziya konferanseke neteweyî tê kirin. Lê tu encamek derneket holê. Jinên ku tevli konferansê bûn hemfikirin ku ji bo yekitiya kurdan ev konferansa bibe gaveke destpêkê û rê li pêşya gelek pêşveçûnan. Jinan bi gihîştina hev dê bibin pîreke yekitiyê.

Dê pêşengiyê bikin

Bi vê konferansê derket holê ku ev qas jinên kurd ên çalak li her derê cihanê belav bûne û hemû jî di qadên kar û barên xwe de serkeftî ne. Jinên ku tevli konferansê bûn, da zanin ku piştî şerên birakujiyê yên ku bi salan di navbera hêzên kurdan de qewimin, dil û mêjiyê gelê kurd pir êşandin.

Jinan bi wê konferansa jinên kurd amanc dikin ku di destpêkê de di nav xwe de bingeha yekitiya xwe daynin û paşê jî ji bo jinên Rojhilata Navîn pêşengiyê bikin.



Bi kulîlkan pêşwazî kirin

40 jinên ku ji başûr tevli konferansê bibin ji hêla parlamentê û şaredarên BDP'ê ve hatin pêşwazîkirin. Jinan bi kulîlkan mewanên pêşwazî kir. Şevirmenda hiqûqî ya Berham Salîh Amîra Hasan, parlamentera Kurdistana Federal Ala Talabani, Emîna Zikrî, parla-

mentera Partiya Goranan Peyman Ezadin, endama Komeleya Jinan a Asuda ya li dijî şidetê Pervîn Aziz, ji partiya Komînist a Îranê Sabriye Bahmani, nivîskar Şîrîn Amedî û gelek nivîskar, akademisyên û rojnameger bi tevahî 40 kes jî bo konferansê hatin.



Li Amedê bi pêşengiya Tevgera Jinên Azad û Demokratîk (DOKH) û Leyla Zana, Konferansa Neteweyî ya Jinên Kurd a bi navê "Di Pêşvebirina Demokrasiyê De Rista Jinan" hate lidarxistin. Konferans bi beşdariya 150 delegeyan li salona Resepsiyonê ya Parka Sumerê pêk hat.

Ji parçeyên cuda cura yên kurd lê dijîn nûnerên jinan tevli konferansê bûn. Ji Amerika, Ewropayê bigire heya Iraq, Îran û ji Sûriyeyê jinên siyasîmedar, akademisyen, nivîskar, hunermend û nûnerên saziyên jinan tevli konferansê bûn. Endamên DOKH'ê, Hevseroka BDP'ê Gulden Kışanak, hemû parlamentêrên BDP'î yên jin, şaredarên BDP'î yên navçe û bajar û bajar, Hevseroka KCD'ê Yuksel Genç, ji parêzerên Buroya Hiqûqê ya Asrinê Hatice Korkut, endamên Însiyatîfa Dayikên Aştiyê, Parlamentera Partiya Yekitiyê ya Kerkukê Ala Talabani, keça Qazî Mihemmed Suheyra Qazî, Prof. Kajal Rahmani, Parlamentera Koma Goranê Peyman Ezadin, Parlamentera KDP'ê Emîna Zikrî, ji HAKPAR'ê Hamiyet Çelebi, ji endamên Koma Aştiyê Gulbahar Çiçekçi, Endama Koma Aştiyê ya berê Aysel Dogan, Parlamentera Ewropayê ya berê Felekna Uca û gelekî nûnerên sazi û rêxistinên jinan ên kurd beşdarî konferansê bûn.

Gaveke dîrokiye

Endama Tevgera Jinan a Azad û Demokratîk Mulkiye Birtane, axaftina vekirinê kir û diyar kir ku ev konferans ji bo jinan gavek dîrokî ye. Birtane, destnîşan kir ku wekî tevgera jinan heta niha gelekî xebat meşandine lê ev gav dê bibe gavek dîrokî ji bo jinên kurd û yên cihanê. Birtane, anî ziman ku jin li hemberî peralê li salan in tedişikîn û wiha got: "Jinên kurd di nava civaka feodal de bûne xwedî asta nûneriyê girîng. Jin di gelekî qadên wekî rêveberiyê de êdî xwedî nûneriyê ye." Birtane, anî ziman ku jin ji bo azadiya zayendî û civakek demokratîk tedişikê û wiha axivî: "Pirsgrêka jinan a pirsgrêka azadiyê ye. Ji ber vê yekê jî em ji bo azadiyê li hemberî polîtîkayên bijafînê tedişikîn." Birtane, da zanin ku pirsgrêkên jinan hevpar in û divê jin dengên xwe bigihin hevdû yê tekoşinek hevpar bimesînin.

Yekitiya neteweyî hewce ye

Parlamentera DEP'ê ya berê Leyla Zana di axaftina xwe de got ku hun bi xêr hatin mala xwe Amedê. Zana destnîşan kir ku barê jinên kurd gelekî giran e û wiha dirêjî da axaftina xwe: "Ev bar barê pêkutî, neqebûlîkirin, barê li hevkirina Qesr- i Şîrîn û Lozanê ye. Ev bar barê koçberî û bêwariyê ye. Pirsgrêkên jinan yên siyasî, civakî, çandî, olî û aboriyê hene û ji bo civakek azad divê em ji îro bêtir tîbikoşin. Ji bo tekoşinek bihêz, yekitiya neteweyî divê. Ji bo rêbazên hatine yekitiya neteweyî jî em dê nîqaş bikin. Li hemberî recm, sineta jinan, qetilkirin, pir zewac, zewaca bi zorê û li hemberî taciz û tecawizê dê tekoşinek rojekê na ya demdirêj divê. Lazim e jinên kurd pir alî tîbikoşin. Ji ber ku jinên kurd him tekoşina nasnamê û him jî ya zayendî tedişikîn."

Cejna ronansa jinên kurd

Zana, destnîşan kir ku îro "Cejna ronansa jinên kurd e" û hêvî dika ku ev gihîştin bibe sedema konferanseke neteweyî. Zana, rexneya "Hîna kurdan yekitiya xwe avanekiriyê" kir û ev tişt gotin: "Ez bi vê mebestê bang li hemû kurdan dikim. Divê kurd di serî de aştîyekê û tîkiliyek zelal avabikin. Heta gelê kurd yekitiya xwe ava neke dê nikaribe bibe xwedî hêz û vînekê. Zana, got ku hemû hêzên li cihanê hewl didin kurdan li gorî berjewendiyên xwe bi kar binin û wiha axivî: Ez hêvî dikim ku êdî jinên kurd destûra ri-jandina xwîna birayanê nedin. Ji bo hatina jinên Iraq û cihên dinê astengî nehatin derxistin sipasiyên xwe ji rayedaran kir û da zanin ku jin tekoşina jinan dê bingeha aştîyek mayînde dê avabike û serkeftin jî bo hemû jinan xwest. AMED



Mizgin Ronak

Geryan

Carna ferhengan vedikim û li 'tiştêk' digirim, tiştêk ku ez nizanîm çî ye? An jî li gotinek ku ez nizanîm dê çawa be. Dixwazim dema ku rûpelên nazik û nazenin bi ser hev de wergerînim, tiştêk an jî gotinek wisa xweş derkeve pêşya min ku tevî lêgerînan min bigihîjin bersivên xwe.

Dixwazim ku ew tişt/ gotin, tevî rûyên hezkiriyên min bi xwe re bîne, an jî tevî wateyên ku ez li hêviya wan im. Ji xwe re dibêjim; vê carê, dê vê carê, derkeve pêşya min. Ji nişka ve bibê ez hatim, wek ferhengêk leyistika zaroktiyê, wek periyek baharê, an jî hîva ku xwe bi çî kul û halekî jî bin ewran rizgar kiribe, geş û ronak! Dixwazim wisa jiyandar û dilşad be ku tu jan û xem, tu tarî û zordarî, tu bindestî û birîn nêzikê wê nebûne.

Lê geryanên min nagihîyê gotin/ tiştê ku lê digere, loma jî ez ji naçari bala xwe didim ser peyvên ku derdikevin pêşya min, minak: gava din peyva jandar derket pêşya min. Ji nû ve tîgihîştim ku gelek xweş û newadar e. Gelo çima? Navê çî ye ku wiha delal û şêrin e? navê janê! Jan çî ye? Raza jiyandê, bersiva jiyandê an jî bedêla jiyandê ye. Kurdan çima navek wiha xweş 'li vê bûyera' ku dide êşandin kirine? Dikare bi gelek bersivan bê bersivandin, lê ez ê tenê bêjim: ji ber ku kurd ji ber xwedîbûna çanda Neolitik, ji berê de xwedî farasetek felsefî bûne. Ma ku ne wiha bûya dê navek wiha xweş bidana sedema jiyandê? Li aliya din, şibîna gotinên; jan, jin, jîn jî balkêş in. Çima ewqas dişibin hev, ev hersê navên jênger? Ya ku bi gotin û bîhîstina wan wek pêlên bayê xwe li ber dilê mirov dibe û tîne çî ye? Çima dema em li ferhenga kurdî mêze dikin ev hersê hevokên din bifirê dikevin ji nava rûpelan û li jor tevî deştên jiyandê difirin? Bersiv gelek in lê jixwe way we got, ez ê derbas bibim. Pêwendiya xwe bi vana ve heye an tune ye nizanîm lê tîp û beşa ferhengê ya ku ez herî pir jê hez dikim ji 'J' ye, 'Je'... Jale (gul) vedibin dema em dibê J, jiyandê dest pê dike, jan dibin jîn, jin bi periyên xwe yên jankuj li cihanê belav dibin.

Geryan jiyandê, jiyandê geryan. Carna mirov li heft bejahiyên (qitayan) li xwe digere, carna li ferhengan, carna li xaçeriyên, carna li xêzikên nava destên xwe, carna li neşên baskên perperokan; lê tim li xwe digere, li hezkirî, heval û dostên xwe jî... Ku geryan nebe dê mirov zengarî bibe. Hingê wateya ronahiya jî, ferheng, rê û bajarên jî namîne. Lê ku geryan hebe, her tişt digihîje wateyek felsefî, her der dibe warê baharê. Bîmînin di geryanan de. Geryan xweş!

'Destê xwe ji zarok û jinan bikşînin'

Jinên endamên Mala Gel bi munasebeta 23'yê Nisanê li ber TBMM'yê hatin cem hev û tecawiza li Sêrtê pêk hat bi birxistin û daxuyanî dan çapemeniyê. Komê, xwest ku Wezîra Dewletê ya jî Malbat û Jinan berpirsiyar Aliye Kavaf istifa bike.

Li ser navê komê Dilşad Aktaş, daxuyanî xwend û diyar kir ku li Tirkîyeyê milyonek zarokên karker hene. Aktaş, anî ziman zarok rastî tacizê tîn û divê 23'yê Nisanê neyê pîrozkirin. Aktaş, da zanin ku biryara veşariya ya danî ser dosyaya tecawiza Sêrtê, dixwazim sazi û gel bêdeng bikin. Aktaş, wiha axivî: "Em zarokên xwe teslimî we nakin. Destê xwe ji zarok û jî me jinan bikşînin. Em dê 1'ê Gulanê jî bo zarok û jinên maxdurê şidetê li qadan bin" ENQERE

Rojnamegeriya Kurdî li rojhilatê Kurdistanê pêr, duh û îro

KAKŞAR OREMAR

Bi qasî ku bê bira min benda 15'an ji daxuyaniya cihanî ya mafê mirovan wiha dibêje:

a) Herkes mafdar e ku xwedî milyet be.

b) Kes nikare tu kesekî bi daxwaza xwe (an jî bi îrade û tena serê xwe) jî milyeta xwe an jî mafê guherandina milyetê bêpar bike.

Ev zagon li Îranê xwedî biçûktirîn biha jî nîn e. Çima?

Li gor piraniya nasyonalîstên Iranî tenê 'Fars' netewe ne û yê din jî wek 'qewim' têne binavkirin. Ji 75 milyon nifûsa hemû Îranê, rêjeya nifûsa Farsa jî sedî 48 in û ya neteweyên din jî azereî, kurd, belûç, ereb, tirkmen û hwd jî sedî 52 ye. Di ferhenga siyasî a Iranianyan da 'qewim' ê komên biçûk ên etnikî ku hejmara wan pir kêr û di dirêjahiya dirokê da ne xwedî dewleteke serbixwe bûne û ne jî zimanê wan ê xwendin û nivîsandinê hebûye.

Ev siyaseta şovenîst û mezhebî jî çaxê Sefewîya dest pêkir û heya roja îro jî berdeham e.

Ji bo bidestxistina nasname xwe ya neteweyî, siyasî û belkî di cih da be ku mirov bêje li Îranê kurdan zêdetirîn kar û xebat kirine. Bêguman zêdetirîn fidakarî û xwîn jî di vê rîya dirêj da kurdan pêşkêşî doza azadixwaziyê neteweyên Iranî kirine. Li dijî vê siyaseta Sefewîyan cara yekê mirê kurdan 'Emîrxanê Lebzerîn' bi dirustkirina kela Dim-Dim şerekî dijwar da meşandin.

Bi hatina Qacariyan ra Şêx Ubeydulahê Nehrî konferansa serok eşîret û mezinên kurdan çekirin û şerekî dijwar di navbera kurd û qecera de, destpêkir. Hevgirtina her du imperatoriyan osmanî û qacari li dijî şoreşa kurdan nehişt ku Şêx Şemzîni bigehe armancên xwe.

Herçiqas ku siyaseta înkâr û îmhakirina kurdan dijwartir dibû, siyaseta jî li rojhelatê Kurdistanê germtir dibû. **Cefêr Axayê Şikak** doza **Şêx Ubeydulahê Şemzîni** domand, lê ew jî mîna ên berî xwe hate xapandin û teror kirin. Cihê wî serokê kurd ê naskirî '**Simkoyê Şikak**' girt. Wî şoreşeke nû û berfirehtir da destpêkirin, lê xala balkêş ew bû ku vê carê jî bo zindikirina kesayetiya kurd a tehqîrkirî, pêngavên mezintir hatin hilandin. Bi destûra wî çapxane kete karê çapkirinê û yekemîn çapxana ku karê rojnamegeriya kurdî kiriyê li Urmîyê bû ku jêra 'Çapxaneya Xêyret' digotin.

Yekemîn çapxaneya ku karê rojnamegeriya kurdî kiriyê li bajarê Urmîyê bûye jê ra "Çapxaneya Xêyret" digotin. 1913'an li bajarê Xoyê 'Rojnameya Kurdistan' dest bi weşanê kir. Di dîroka rojnamegeriya Kurdistanê de pişt M. Bedirxan ew rojnameya duyemîn bû ku li ser axa Kurdistanê ji dayik bû

Di sala 1913'an de li bajarê Xoyê 'Rojnameya Kurdistan' dest bi weşanê kir. Di dîroka rojnamegeriya Kurdistanê de piştî "Kurdistan" a M. Bedirxan ew rojnameya duyemîn bû ku li ser axa Kurdistanê ji dayik bû. Komela bi navê 'Cihandani' hate damezrandin û ji her karekî girîngtir bo yekemîn car di rojhilatê Kurdistanê da xwendingehêk li bajarê Xoyê hate çekirin û xwendevanên kurd dest bi xwendina dersên bi zimanê kurdî kirin. Serkêşê tevayî van karên dîrokî Ebdulrezaq Bedirxan bû ku béguman piştgiri û teşwîqa liderê kurd Simkoyê Şikak li piştî van pêşdêcûnên mezin bû. Jiber ku li gel Simko endamên malbata 'Bedirxaniyên Cizîra Botan' xwedî qedreki bilind bûn. Ger ew nebûya Ebdulrezaq Bedirxan bi wê peymanê hevkarîyê a ku di navbera Iran û Tirkîyê da hebû, li nav sinorên Iranê hatibû girtin û dirustkirin di çaxê ku eskerên Iranî ew ber bi sinor dibirin ku teslimî rayedarên Tirk bikin, siwar û mîrxasên Simkoyê Şikak bi şerekî giran ew jî destê wan rizgar kirin.

Ferman û pêşniyarên ku wî ji Simko re dikirin, zû dihatin pejirandin. Ji wir û şûnda E. Bedirxan heya roja ku hate şehîdkirin, di jiyandê de xwe gelekî deyndarî Simko dizanî.

Pêngava mezintir li rojhelatê Kurdistanê wê demê hate avêtin ku li pey şerên dijwar zêdetir ji nîva axa rojhilatê Kurdistanê hate rizgarkirin û Simko li paytêxa desthilatdariya xwe Urmîyeyê dest bi dirustkirina çapxane û weşandina rojnamekê bi navê 'Kurd' kir ku sernivîserê wê 'Mela Mihemed Turcanîzade Qizilci' bû. Di rûpelê yekê yê rojname da hertim wiha di hate nivîsandin: '**Meqalatêk menfîti Kurdanî têda bî, werdegîrê...**'

Xetên telefonê hatin kişandin û îdarên dewletî dest bi karê xwe kirin.

Mezintirîn destkefta wê rêxistina siyasî ew bû ku şexsiyeta kurd a şikestî, sivikbûyî û tehqîrkirî careke din mîna gulekê bişikvî. kurd pêhesiyan ku ew jî xwedî ziman û ferhenga xwe ya netewî ne û ger derfet jî ji wan ra hebe, dikarin layêqbûna xwe a desthilatdariyeye dadmendane li ser axa xwe

bidene meşandin.

Dirûşma Riza Pehlewî jî mîna a Kemalîstan: '**Yek netewe, yek ziman û yek hakim**' bû. Lê bi ked û xebata kurdan ew proja wî li Kurdistanê rastî şikestê hat. Kesên ku ji wan ra wek "Qewim" dihatin hesabandin, weke miletekî xwedî ziman û çanda xwe a milî hebûna xwe bi wan da selmandin.

Di serdema komara Kurdistan 1946'an da rewşa rojnamegeriya kurdî derbasî qonaxeke zêrîn bû. Ji derveyî weşandina rojname û kovaran, êdî çapkirina pirtûkan, hebûna şano, sî-nema û radyoya herêmi jî bûn sedem ku dewlemendiya ziman û çanda kurdî rûyê xwe yê rastîn baştir derxîne pêşberî ronahiyê. Dîroka edebiyata kurdî a nivîskî eşkera bû û li piraniya mala diwanên Ehmedê Xanî, Hacî Qadirê Koyî, Wefayî û Melayê Cizîrî ketin kêleka pirtûkên pîroz. Helbestvanên milî Hejar û Hêmin, marşa netewî (Ey Reqîb), kovara zaroka 'Helale' û çekirina xwendingehan bi şeweyên moderin jiyana Kurda ji her hêlekê ve guherand.

Wê demê li Tehranê hakimên Fars û kurdan wek: '**xayîn, cudayîxwaz û xulamên Rusya**' binav dikirin û bi rêya hinek kurdên xwefiroş li dijî bizava kurdan a siyasî dest bi tevgerêkî kirin ku biser neketin.

Di çaxê seltêneta Mihemed Riza Pehlewî da rojnamegeriya Kurdî tunebû. Ger destûra çapkirina rojname

meyek weke Kohistan jî dabûn, tenê li Tehranê bû û nedihîştin ku bi rihetî di nava gel da belav bibe. Ew rojname wek organa fêrmiya rejîma Pehlewî bi kurdî û farsî di hate weşandin. Dema ku şoreşa kurdên başûr di bin serokatîya nemir Mistefa Barzanî da geş bû, ji bo vemirandina '**agirê bin xuliyê**' li Tehran, Kirmaşan û Urmîyê radyoyên kurdî dest bi belavkirina nûçe, şano û stranên kurdî kirin. Di hemû bernameyan da propaganda "Iranî bûnê" mercekî bingehîn bû û herkes jî nedikarî di wan sazîyan da kar bike. Her tişt jî sedî 100 di bin kontroleke dijwar da bû. Êdî wê demê jî ber rewşa siyasî a kurdan wek: '**Iranîyên herî esil, Arîyên herî kevnar, mêvanperwer û...**' dihatin binav kirin, lê ger kesek jî kurdan li dijî eskerekî rejîmê fişkekê biteqanda, li Kurdistanê bi operasyonên mezin ter û hişk bi hev re dişewitandin. Terora wan heya başûrê Kurdistanê jî çû. Ger name bi zimanê kurdî bihata nivîsandin, li postxanê berî ku bigehin destê xwediyên xwe dihatin vekirin û xwediyên nama dihatin girtin û heta di bin fişkenceyên giran da dihatin kuştin jî. Ger li malekê an jî di destê kesekî da belavokek bi zimanê kurdî bihata dîtin, qedera xwediyê malê tenê mirin bû. Wê demê miletê serdest û bilind

tenê 'fars' bûn û bi fardî axaftin iftixareke mezin bû!!

Li wilayetên Kirmaşan, Îlam û Sine siyaseta asimilekirinê hêdî hêdî biser diket. Lê bextewerên şoreşa gelên Iranê li sala 1979'an rê li ber vê armanca Pehlewî ya gemar girt.

Rejîma îslamê bi ked û xwina gelên Iranê hate ser kar. Kurdistan azad bû, lê tenê nêzî du sala ew azadî berde-wam bû. Atmosfêrê tîjî reşahî û serkûtkirina gelan şikest, lê kişandina tama azadiyê zêde nedomî.

Wê demê pirtûk, kovar, heftename û rojnameyên bi zimanê kurdî hebûn, lê piraniya wan ên rêxistinên siyasî bûn ku wêdemê ên herî aktîf '**HDK, Iran, Komele, Çirîk Fedayî û hwd**' bûn.

Şerê di navbera Iran û Iraqê de jî hêlekê û şerê di navbera partiyên rojhelatê Kurdistanê û komara îslamî da jî bi sedem ku ji bo bédengkirina kurdan sê kovar li Tehran û Urmîyê dest bi weşanê bikin: Li Tehranê **Aman û Awêne**, li Urmîyê jî kovara **Sirwe**. Lê weşandina wan kovara di bin çavdêriya wezaretê ferheng û êt-laata Iranê da bû û gotarên ku biçûktirîn bêhna kurdîniyê û mesajên siyasî têda hebûna, diketin goristana arşîvê. Radio jî xwedî rewşeke wiha bûn. Wê demê Seher TV'yê jî çend saeta di rojê da bi zimanê kurdî weşand dikir, lê dema li sala 1988'an şerê du dewletan bidawî bû, ew bernamên kurdî jî êdî neman.

Piştî ku Mihemed Xatemi jî Tebaxa sala 1997'an heya Tebaxa 2005'an bû serokkomarê Iranê, di jiyana rojnamegeriya kurdî de jî bizavayek nû dest pêkir. Li wilayetên Urmîye, Sine, Kirmaşan, Loristan, Îlam û Kurdistan Xurasanê

Ku bi sedana rojname û kovar jî aliye raweşenbîr, komele, saziyên çandî û xwendekarên zanîngeh û zankoyan de dest bi weşanê kirin. Ew germahiya ku di bizava siyasî a bakurê Kurdistanê da hebû, li rojhelatê Kurdistanê jî kete nava gel. Riheke nû kete ber jiyana rojnamegeriya kurdî û teşwîqa jî bo xwendina zimanê kurdî jî sal bi sal zêdetir bû. kurda di çarçova zagûna Iranê a bingehîn de daxwaz kirin ku zimanê kurdî jî bi awayekî fermî li xwendin-geh û zanîngehan bê xwendin. Ji hêla din jî hinek Farsên şovenîst û Panîranîstên faşîst ev daxwazên kurdan wek '**pêngavên destpêka cudaxwaziyê**' binav dikirin û bi tundî li dijî dewleta M. Xatemi disekinîn.

Kar û xebata rojnamegeriya kurdî di rojên destpêka serokkomariya Meh-mûd Ehmedînejad rastî qedexekirinê hat. Sal bi sal ew meydan li ber karê rojnamegeriya kurdî teng-tir kirin. Bi awayekî ku niha heta yek rojname jî bi zimanê kurdî li Iranê nayê weşandin!!

Ehmedînejad çendîna cara li parlmana Iranê bi aşkîra jî fraksiyona parlmenterên kurd ra gotiye: '**Vîra ne Tir-kîyeye û heddê xwe bîzanîbîn...**'

Niha rewşa ragehandin û siyaseta kurd li Iranê tirajîke. Piraniya rojnamevan û çalakvanên mafê mirovan li rojhelatê Kurdistanê hatine girtin û tawana wan a herî mezin jî: '**mîrovên empiryalîzîmê, hevkarîkîrîna partiyên dijberî şoreşa îslamîya Iranê, şerê bi Xudê ra, casûsî û hwd**' bûne. Kesên wiha li gor zagûna Iranê rastî **şikenceyên ruhî fîzîkî, zindanan domdirêj û heta îdamê** jî tên.

Di roja îro da mirov rihet dikare bêje ku heta '**rojnamegeriya nîv azad**' jî li Îranê tune û kesên ku bixwazîna di vê qadê de bixebitin jî, neçarîna berê bir û ramanên xwe sansûr û piştê jî pênuşa xwe bêxin gerê. Gotarên ku berjewendiya kurdan têda hebe, tên pejirandin.

Ji herêmên kurdan li wilayeta Xurasanê ra 'Kurdîstana Xurasanê' jî tê gotin.

Serkêşên têkoşinê mêvan 'pêşwazî' kirin

Resam Nevîn Gungor li Navenda Çandê ya Ciwanan a Cegerxwîn pêşangeheke bi hêmayê 'Azadiya Min di Nasnameya Min de Veşartiyê' ve kir. Di pêşangehê de wêneyên jinên pêşeng ên têkoşina azadiyê cih digirin

Resam Nevîn Gungor di çarçoveya Konferansa Jinên Kurd a Navneteweyî de bi hêmayê 'Azadiya Min di Nasnameya Min de Veşartiyê' ve kir. Pêşangeha wêneyên Gungorê bi beşdariya jinên ji bo konferansê hatine Amedê pêk hat. Di pêşangehê de wêneyên serkêşên têkoşina jinê ya ji bo azadiyê cihê xwe girt.

Resam Nevîn Gungor di çarçoveya Konferansa Jinên Kurd a Navneteweyî de ku ji aliyê Tevergera Jinan a Demokratîk û Azad tê organizekirin pêşangeheke wêneyan vekir. Pêşangeh li Navenda Çandê ya

Ciwanan a Cegerxwîn bi beşdariya ji Almanyayê Suheyla Qazî, ji Amerîkayê Prof. Kajal Rahmani, ji Mîrsê rojnameger Doreya Awnî, parlementerê DEP'ê ya berê Leyla Zana, Hevseroka Kongreya Civaka Demokratîk Yuksel Genç û delegeyên konferansê yê ji 4 parçeyên Kurdistanê û jinên BDP'î hate vekirin.

'Em li ser axa xwe ne'

Leyla Zana ku di vekirina pêşangehê de axivî, anî ziman ku Amed malovaniya konferansa bi vî rengî dike û wiha got: "Amed mala hemû jinên



kurd e. Niha em hemû li ser axa xwe ne." Zanyê anî ziman ku jin û ciwan bi salan in ji bo nasnameya xwe tedişîn û wiha di-

rêjî da gotinên xwe: "Jinên kurd bûn stêrên Rojhilata Navîn û di vî warî de ji bo hemû cihanê bûn mînak. Ev asta ku îro jinên kurd bi dest xistiye me tevan

bextewar dike." Zana li ser girîngiya hunerê jî rawestiya û wiha got: "Huner hin caran di wêneyekî de, hin caran di çav de dibe qarakter."

Wêneyên pêşengên têkoşinê

Di pêşangehê de wêneyên pêşengên têkoşina jinê yê kurd ku jiyana xwe ji dest dane hatine cihkirin. Wêneyên Zekiye Alkan, Leyla Qasim, Leyla Bedirxan, Meryem Xan, Eyşe Şan, Rewşen Bedirxan û gelek pêşengên din ên serkêşiya têkoşina jinê ya ji bo azadiyê kiriye di pêşangehê de cihê xwe girtiye.

Pêşangeha ku ji 30 wêneyan pêk tê û hêmayê 'Azadiya Min di Nasnameya Min de Veşartiyê' lê hatiye barkirin de heta 30'yê nîsanê vekirî be.

Piştî axaftinên hatine kirin Şaredarê Bajare Mezînê Amedê Osman Baydemir jî pêşangeh ziyaret kir û tevli kokteyla ji bo Konferansa Jinên Kurd a Navneteweyî bû. AMED

David Lynch ji xweşikatiyê hez nake

Derhenêrê filmên Otobana Winda, Mirovê Fil, Dune, Qedîfeyê Şîn David Lynch, ku di heman demê de resam e jî; li Stenbolê pêşangeheke ji wêneyên gravûran pêk tê vekir. David Lynch ji

xweşikatiyê hez nake û rengan pir rasteqîn dibîne.

David Lynch, ji tiştên xweşik hez nake û rengan pir rasteqîn dibîne, her tiştekî mirov û tiştên ecêb ên mirovan, riziyatî, zêdehiyên maneviyat û madiyatê di xeyalên xwe de kirine amûrên afirandiyê. David Lynchê bi vî rengî afirandiyê hunerê daxe ber xwe li Stenbolê pêşangeheke ji wêneyên gravûran pêk tê vekir. Pêşangeha David Lynch heta 29'ê gulanê de li Artanê vekirî bimîne. STENBOL



Dersa 'Dibistana Azad' fizîk bû



"Dibistana Azad" ya ku ji aliyê TZPKurdi ve bi armanca pêşvebirin û hînbûna kurdî hatiye avakirin di hefteya 3'yemîn de dersa fizîkê da.

"Dibistana Azad" di hefteya 3'yemîn de dersa fizîkê da. Dibistana Azad her hefte roja şemiyê di saet 11.00'an de li baxçeyê Navenda Çand û Hunerê ya Ciwanan a Cegerxwîn perwerdehiya kurdî dide. Di dersa vê hefteyê de endamên Meclîsa Bajar, Rêveberiya BDP'ê ya Bajar û navçeya Baglarê û endamên TZPKurdi beşdar bûn. "Dibistana Azad" di dersa xwe ya vê hefteyê de mijara Fizîkê da. Dersa ji aliyê mamosteyên TZPKurdi Yildirim Arslan ve hate dayîn, bi mijara neynîkê dest pêkir. AMED



Ji bo derhenêrên jin peroşa xelatê dest pê kir



Di 13'mîn Mîhracana Filmên Jinan a ji aliyê 'Uçan Supurge'yê ve tê organizekirin de ji 11 welatan 13 film dê ji bo Xelata Federasyona Nivîskarên Sinemayê bikevin nava rikberiyê. Ji Tirkiyeyê jî filmên bi navê 'Ji 11'an re 10 Maye' û 'Yên li ser pîrê' tevli rikberiya ji bo xelatê dibin.

Filmên ku dê di 13'mîn Mîhracana Navneteweyî ya Filmên Jinan a Uçan Supurgeyê de bikevin nava rikberiyê hatin aşkerakirin. Mîhracana di navbera 6-13'ê gulanê de li Enqereyê pêk tê. Ji Almanyayê, Meksîka û heta Kanadayê, ji 11 welatan 13 film dê ji bo Xelata Federasyona Nivîskarên Sinemayê (FIPRESCI) bikevin nava rikberiyê.

Tirkiye jî di vî rikberiyê de dê bi filmên 'Ji 11'an re 10 Maye' û 'Yên li ser pîrê' tê temsîlkirin.

13'mîn Mîhracana Navneteweyî ya Filmên Jinan a Uçan Supurgeyê bi piştigiriya 24 televîzyonan pêk tê û di beşa 'Her Yek Rengekî Cuda' de 13 film dê ji aliyê jûriya FIPRESCI'yê ji Tirkiyeyê Ceylan Özçelik, ji Fransayê Dominique Martinez û ji Almanyayê Kirsten Liese pêk tê bêne bijartin. FIPRESCI ji nava filmên ku ji Cannes, Venedîk, Locarno, Tribeca û deverên cur

bi cur tevli rikberiyê bûne yekî hilbijêr e û filmê hêjayî xelatê tê ditin di dawiya mîhracana de dê bê aşkerakirin. Mîhracana Navneteweyî ya Filmên Jinan a Uçan Supurgeyê, mîhracana herî serkeftî ya jinan e ku xelatekî wisa bi prestîj dide.

Filmên xelatgirtî...

Her wiha di çarçoveya mîhracana de filmên xelatgirtî jî dê bêne nîşandan. Filma ku derhenêriya wê Almut Getto kiriye Girêdayî Te me (Close to You, 2009) ku Almanyayê temsîl dike ji Max Ophulsê, Xelata Temişevanan girt. Filma derhenêra çînî Xiaolu Guo ya ku bi hevpariya Ingilistan, Almanyayê û Fransayê pêk hatî, Keçikeke Çînî ji Mîhracana Filman a Locarnoyê xelata Pîlîngê Zêr girt. Filma derhenêra Awusturyayî ya bi hevpariya Fransa, Almanyayê û Awusturyayê pêk hatî, Mucîze (Lourdes, 2009) li Mîhracana Filman a Venedîkê di serî de Xelata FIPRESCI'yê 4 xelat girtin. Filma Sarah Watt a bi navê Salekî Min a Bêseks (My Year Without Sex, 2009) ji aliyê Yekitiya Derhenêrên Awusturyayî



FIPRESCI'yê hatibû ditin.

Filmên dê bikevin rikberiyê

Di beşa 'Her Yek Rengekî Cuda' de filmên ku dê bikevin nava rikberiyê, balkêş in. Ji 13 filman 7 jê yekemîn filmên derhenêran a dahûrandî (kurmaca) ne. Derhenêra îranî Shirin Neshat bi filma Jinên Bê Zilam (Women Without Men, 2009), filma ji Amerîkayê beşdarî rikberiyê dibe Di Navbera Me de (Between Us, 2009), filma Sonja Wyssa ho-

landî Bêdengiya Zivistanê (Winter Silence, 2009), Ji Çermê jî Hurtirtir (Can Go Through Skin, 2009), Pênc Rojên Bêyî Nora (Five Days Without Nora, 2008), Mal (Home, 2008) hin jî filmên derdikevin pêş in.

Ji Tirkiyeyê 2 film

Di mîhracana de ji Tirkiyeyê 2 film dê beşdarî rikberiya ji bo xelatê bibin. Yek ji wan filman a Pelîn Esmerê; Ji 11'an re 10 Maye (10 to 11, 2009) ku ji gelek mîhracanan bi xelat vegeriya ye. Pelîn Esmer beriya niha bi filmên Koleksiyonvan (Koleksiyoncu, 2002) û Lîstik (Oyun, 2005) hatibû nasîn.

Filman din jî ya Asli Ozgeyê, Yên Li

Ser Pîrê (Men on the Bridge, 2009) bi hevpariya Tirkiye, Almanyayê û Holandayê hatiye çekirin. Di filmê de çiroka sê zilaman li ser Pîra Tengavê li hev tîne. Asli Ozgeyê bi vî filmê par jî Mîhracana Filman a Stenbolê xelata 'Filmê Herî Baş' girtibû. ENQERE



Biratiya Quling û Rovî

Rojek ji rojan rovî û quling li rastî hev tîn û dibin dest-birayên hev. Roj, hefte û meh derbas dibin.

Rojekî rovî ji quling re dibêje: "Birayê quling, tu îşev mêvanê min î. Ez te dawetî şivê dikim." Quling bi vê yekê pir kêfxweş dibe û dibêje: "Mala te ava des-birayê rovî ez ê îşev werim bibim mêvanê te."

Rovî ji bo şivê pelûlê amade dibe. Êvarê quling diçe mêvaniya rovî. Kêfa rovî jî tê, hema pelûlê vala dibe li ser ferşeke tehtë û dibêje "birayê quling de kerem bike em şiva xwe bixwin"

Dest bi xwarinê dikin çend caran nikilê quling li kevir dikeve û serê wî dişev. Ji ber êşa serê wî, mêjiyê wî dileqe ji ber êşa nikil û serê xwe nikare xwarinê bixwe, xwe dide alîkî û dibêje: "birayê rovî, şiva te pir xweş bû xwedê zêde bike."

Rovî di bin lêvên xwe de dikene û pelûl bi kêf dixwe, heya kevir ji dalise. Zikê xwe baş dadigre.

Piştî şivê quling xatir ji rovî dixwaze û diçe mala xwe. Di ser re çend roj derbas dibe. Rojekê quling ji rovî re dibêje: "birayê rovî, tu îşev mêvanê min î. Ez te dawedarî şivê dikim. Tu bê ez dê kêfxweş bibim..." Rovî: "ez bi vê pir kêfxweş bûm. Temam ez êvarê mêvanê te me..."

Quling şiv çêdike û dixwe miqewîde (miqewî, cureyek kundiran e) an jî şûşeyekî ku devî wî teng e. Lê nayê xwarin, tenê di tê de dedik hene û stûyê miqer pir dirêj û zirav e.)

Dibe êvar û rovî diçe mêvaniya quling. Piştî xêr-hatinê dayinê, quling şivê amade dibe û dibêje: "de kerem bike birayê rovî."

Rovî çend caran zimanê xwe li dora miqewrê di dibe tîne û dialêse lê tu tişt bi devan nakeve. Quling zikê xwe tiji dibe, xwe rast dibe û pal dide û dibe dibêje: "birayê rovî, tama şiva min çawa bû?"

Rovî hêrs dibe û bi hişk dibêje: "wele birayê quling, min tiştêk ji vê desbiratiyê fêhm nekir."

Quling dikene û dibêje: "Ji yekê bêdîn re, yekê bê îman lazim e."

Berhevkirin: M.Zekî Esin Girtîgeha Tîpa H ya Dilokê

Ax Dîlberê

Ax dîlberê devxwarê
Porkinê rû hinarê
Te ez kuştim bêbavê
Dil û cigerên min hatin xwarê
Ax dîlberê porxelek
Edî wisa neke teqe req

Ew, fistanê te yê zerbelek
Li dora serê min büye xelek
Ax dîlberê serleşî
Tu çima wisa xweş xweş dimeşî
Te hingî min li dîyê xwe zivî-
rand

Ez bûm wek darek bejî
Ax dîlbera sorgulî
Bes e êdî agir berde wî dilî
Were mile xwe bide vî milê
Bila şabin deşt, zozan û gelî
Faik Tunc

Azadî ji bo rojê ye!

Ez li benda vê zayinê me,
ez ne rûreşa mirovahiyê
me, ne benîştê devê dîna
me, ne pêkenokê devê
qasmera me û ne jî
fedikarî mirovahiyê me,
ez sibatoka dînim

GELAWÊJ RÊVAZ

Ma ez ê çî navî li vê bê bextiyê bikim! Gelo ma sûcê min ew bû. Bi zikê tiji, wekî ew xwedawendên jinan yên şareza û behremên ku navê wa kirin pîrhebûk û di dîrokê de reş kirin, çewîşan in.

Ma ez ê jî kê re bêjim?
Ez jî li benda biharek nû bûm!...

Piştî ku dagirtina ji berf û barana, ji şeşîniya birûskan him himê ewran, bablîsokên bar û reşkê di nav sinfonya wira wira guran de kabusên lîstîkên bi tirs yên ku ceng û hinava diqatandin. Ji bilî di-zîya xewna şevan...Pariyê li striyan ji qirika min de bi zorê dane daqûrpandin. Û rondikê jehrê ji çavê min bi zorê herikandin. Him li min tecawiz kirin him jî rûyê min reş kirin. Li ber mirovahiyê, ez di fedîkariyê de hiştim. Ev jî ne bes bû! Ez xistim benîştê devê dîna û pêkenoka qasmera... Ez li ser bênderan birim û anîm û li derdora min dest bi govenda roviyan kirin. Çûn û hatin diranê xwe spî kirin.

Belê bi vî hawî min li ber çavên zarokên min de di pêşerojê de teşhir û bêrûmet kirin. Û ez xistim eteba salê...

Ez li benda zayina xwe bûm. Ku zarokêkî ji xwe re binim û pê şa bibim. Lê nehiştin hemla min bi dawî bibe. Bi destê cenevaran cewika min jî hindurê min qapirandin û derxistin ber çavê min. Bi çav sorî êrîş birin ser wî... Û bîst û heft rojan di sanciyên zayinê de di nav aşê xiyaretê de hêram. Wê demê teslim hat wergirtin. Roj esîr ket!...

Ka adelet! Ka hiqûq! Mirovahî, tu çima bêdeng mayî û ji meydana rêviyayî? Ma soza te ev bû? soza te, rojê di devê req û beqan de hiştin bû? Soza



te, di nav bêdengiya salan de di nav quncikên çar dîwarên lal û tarî de, di ziwabûna xwezayê de bir eş kirina agirê sekuçka giredayin bû?...
Bêhna dohnê şewat a insanan...Wek sinema Amûdê ku mirov hê hedar ne dikir. Dema dikşandê pozê xwe... û hestiyên wê wekî çarnixa romayê daliqandin û kirin para qirikên reş û kundên bêxêr...

Lê belê hê jî, ji xwe şerm nakin! Ji rûyê xwe yên bi tenê ku ji wan jehir dibarê fêdî ji nakin. Behsa çaresariyê û demokrasiyê û projeyan dikin. Ma projê waha ne? Mirov zarokên û bi xapîne... Ji bo ku dev ji tekoşîna xwe ya azadiyê berdin û bi topên we bilizin...

Na!
We got qey em zarokên kijan demê ne? Ma em bê ser

nin. Ji rengê kesek, sor û zer e di ezmana de wê ewran bi firînin. Strana azadiyê ê saz bikin. Bêhna gulên azadiyê belav bikin. Di 8'ê Aarê, di 12' adarê, di 21'ê adarê û di 28'ê adarê de...

Em ev in! me nas bikin! Ez li benda vê zayinê me. Ez ne eteba salê me, ne rûreşa mirovahiyê me, ne benîştê devê dîna me, ne pêkenokê devê qasmera me û ne jî fedikarî mirovahiyê me... Li cem zarokê xwe ji rûmeta ve gerînim. Ne pirhebokim û ez di şaxsê jinê jî vê qebûl nakim...

Heger we min nas nekir be! ez ê xwe bidim naskirin. Sibatoka dînim ez!...dê herin ji we çî te bikin! di gera azadiyê de li dora rojê digerim...

Girtîgeha Tîpa L ya Bakirkoy/Stenbol

Ba

Li benda te me
Pelên daran nahejin
Çavir û giyayên nuhatî ji
Nareqîsin iro

Pelên deryayê rawestî ne
Pozê min
Bêhna laleyan ferasînê
Misk û emberên warê min
nakin

Li benda te me
Bi salan e
Ji diya pîr
Heval, dost û hogiran
Silav nagrim
Dilê min bi xemgîn e lo!

De ka were!
Xwe li beden amin a germ
xine
Porê min hênik bike
Dilê min hênik bike
Di vê zindana tarî de

Dema ku tu hati
Ji bîr neke
Ba min bîne ligel xwe
Çiloyekê ji dara zeytûna
Efrîn a xweşik

De were lo!
Li benda te me...

Hesret

Di nav ava şila de
Di nav tariya şevê de
Li te geiryam
Bi min kenîyan
Xelk û alem

Gotin:
"Ev din büye le!"
Ki din e?
Mem e
Mecnûn e
Ferhad e
Yan jî...

Weke agirê rojê.
Her di dilê min de
Hesreta te bi geş e
Ziman, çav û guh bira ne
Bê wan mirov mirî ye
Bê hesret jî ez mirî me
Bê hesret jiyan wêran e
Bê hesret

Gotin
Stran
Helbest ava nabin
Hesret
Ez û tu ne...

Her du helbet ji aliyê Selîm Mehmûd ve hatine nivîsîn/
Girtîgeha Tîpa H ya Dilokê

XÊZIKNAME

Bazarên gemaer ên AKP'ê



Di hucreyan de cih nema girtî li ber tuwaletan radikevin



Di xwarinên girtiyan de mişk û kêzik dertên.



BDP dijmînî ardî werê

BDP di malbatanê ke bi dawa gunî cuyayê ardîy werê. BDP'î waşt ke wa dewlet zî ders bigero ke, gunî bi gunî nîno şitiş. Peynîya şerî çîno. Dil wazeno ke heme kesîy di aşî û aramî mîyan de bicuyê. Esasê civakî aşî ra ravêreno

E dene de mîyanê malbatanê Cimcik û Cantaş de dawa gunî bi. Bi tekiliya BDP'a Edene-yî amey werê.

Malbatanê Cimcik û Cantaş mîyan de nezdi 6 aşman veri ra yo ke, pey pêrodayişi de lajê Velit Cantaş Ahmet Cantaş ganê xo vinî kerd bi. Ney pey ra, mîyanê di malbatan de dawa gunî bi.

Rayxistişa BDP'a Edene-yî semedê ke ney dawayî biqedîno ra kewt mîyanê di malbatan ke inan biyaro werê. Peynîya pêvinayîşan de, BDP wurdin kiştî zî razîyê amayîşê werê kerd.

Qabê werêamayişi şamî day. Taxa Gulbaxçe de Kêyê Çand û Demokrasiyî de şamiya werêamayişi day. Di şamî de, endamê PM ya BDP'î Mûsa Ertaş, serekê bajarê BDP'a Edene-yî Zekî Karataş, serekê qeza Yuregirî Hasan Beliren û xebatkaranê MEYADER'î beşdar bîy.

Pey wendişê mewlîdî ra, Serêkê bajarê BDP'a Edene-yî Zekî

Karataş qisey kerdîy û ard ziwan: "Ez wurdin malbatanra spas keni ke, ma nêşiknay. Ez daxwaz keni ke heme şarîy wa aşî û aramey mîyan de bicuyê. Ma kiştê de malbatan anê werê ema, kiştî binî de operasyonê sinorî sero bi tûndeya xo dom keno. Kiştî binî de hadreyeye xo kenêy ke daha hîra bikerê. Wa no werê amayîş inan ra ders bibo ke, wa bivînê, gunî rijnayîş hetanê ney demî verê çiyê zî anekerdo. Gunî rijnayîş bê hesiran çiyê niyardo. Dîroka dinyayî de, ti waxtan gunî bi gunî niyameyo şitiş."

Karataş ard vîr ke, heme kes mecbûro kiştî aşî de bi raman bibo. Ney ra pey zî, malbatîy û kesanê bi ney hawayî mecbûr êke aşîya xo pêk biyarê. Peynîya ney neyareyî çîno.

Malbatan ra Bayram Cimcik û Velit Cantaş ard ziwan ke, semedê ke BDP aşîya inan pêk ardo ra spas kerdîy. Apeya şamiya werêamayişi wurdîy. (EDENE / DÎHA)



ARDIL MERDIM

Şîlye varena, ti vana qey nika koyî kullî birijê, berk û virsik/birûsk erzeno, her ca roşniyê de xeneq-yeno. Homet senî biya û nê biya homet şewa ki zê na şewî nêdiya. Mayê dergûşa xo gurewta virara xo, xo ardo pêser niştaro. Tersena, zaf tersena, kes çîno lewidî. Merdê ay şîyo karî ser, hewna nêamoyo. Ma, dergûşa xo ra tersena. Tersena ke çiyê mero dergûşî sero. Derguşê senik wendo virara xo di bifetisno. Derguş biya sûr û mûr. Nişkîna boy bigero. Saeti ravênêy. Şîlye nêvîndena. Virsek/birûsk kêmbenê. Zere di soba veşena. Soba ki ina germinkena. Germê soba dano laşî, laşî kena germ. Serdê teverî vilakêna. Merdim waxto şono tever serdê tever onceno cîgeranê merdim, merdim ano zerê lewê soba germine. Ti vana qay teze maya xora biyo. Serdê teverî vîrî keno. Çaya serê soba, boya çayî merdimî kena mest.

Dar sobadî qedînê. Dayik werzena ra dara erzana soba. Derguş ame kiştî maya xo. Çi beno wê waxtî beno. Virsek borîya sobara xo erzeno zereyê keyî. Dano dawîkî ra. Dayik cayê xo di bena wişk. Dayik û derguş zere di tenê rê. Ax tenatî! Merdim destê to di çî onceno çî nêonceno. Ser na wela dinya di, çiyê ki, qasê tena merdîşî xirabey çiyê esto gelo? Ez bawer nêkeni ke bibo. La ana kî rastîyake herkes tayê tenê ro. May, piy, biray, way, cîranîy, dostîy, waştî bibê kî onciya ke herkes tayê tena ro.

Dayika Dîdare ji teynawa. Dîdar derguşa, hona ne qesêkena, ne rayîra şîna ne zî wina. Derguşa, çîkê dayîka xo lînena. Dayika Dîdar teyna şîna. Nika dora tenabişî a Dîdarî ya. Dîdar nêmerda. Dîdar îndî bê mayê dê bibo pîl. Kam zano, îndî çî bero, çî meyro sereyê Dîdarî.

Piyê Dîdarî pê karî ra eno kêye. Dano keberî ra kesê ber nêakeno. Vengê bermayîşa derguşî hesyeno.

Şanika Dîdarî

Fam keno çiyê amoyo sereyê hevala ay. Lê çî ameyo sere? Fikiriyeno nêfikiriyeno çiyê nîno akilê ey. Îndî şîlî vindêrta. Nêvarena. Dinya xo şûtto. qilêre xo eşto. Biya paqij, paqijîya xo dana merdimî ki. Boya ki zaf wes yena. Merdim waxto vejîyo teverî bifeteliyo. Piyê Dîdarî dano berî ra nêdano kêberî ra kes berî anêkeno. Pêynîye di bêçar çever şikneno. Kuno zere, çî bivîno. Hevala ey, waştîya wê, hevala wê ya na dinya qilêrîni hardî derg biya. Lewatek cera çîno. Vazeno bişêro hevala xo sero. Hejneno, ano beno, veng çîno. Kaytê çîma ayê keno çiyê nêvînenê. Nê nê çiyê vînenê. Merdenî vînenê çîmanê ayê di. Merdena serd, merdena wela kamaxi, merdena ki şîyîn esto amiyîn çîno. A ki, bê dawîya. Ti defê çîmanê xo cêna defêna ranêkuna. Zafêrî kî çîm akerdî şîne. Saetane ki to na dinya qilêrdî, çiyê ki to waştê bikerê, to nêkerd.

Zafî na dinya di derdo kula oncenê. Na dinya hîra teyna deste taya dera. Ê na dinya serde wenê, çirtika erzenê, ê kêmbî ser zafa zulm kenê. Dinya înarê kenêy tung û tarî.

Merdîşa bê waxt, bê xebêr nika ama piyê Dîdarî diyo, ame kêyê piyê Dîdarî. O nika sebikero? Kamîra se vajo? Bîrîna xo bumûsno kamî? Kanê ozanek vano: "Zê bîrîna xo musnêno dostê xo" dostê ey zî, a ke biyê, a ke şiyê. Merdena serdî a cera gureti şiyê. Aklê xo keno vîndî. Sarê xo dano duvarî odo ki, maya Dîdarî tede biya derg. Berbmêno. Bê çare bermebeno. Ti vana qey hêşranê ey ze çemî yena çîman û yena war. Zê şîlye wesarî varneno hêşiran. Dîdar

dergûşa, Dîdar kîjkêk a. Cayê xo di biya wişk qaytê biyê xo kena. Dîdar o piyê xo çîxa vindene kes nêzano. Pêniyedi Dîdar êna xo. Berbena. Vengê Dîdar beno ra berbena. Berbena Dîdar piyê Dîdar ano ser eşê xo. Tezi Dîdarî vînenê. Dîdara kîjkêkin, a ki îndî bê may menda teze vînenê. Maya Dîdarî, Dîdar ca verda û şîya. Ayê se, çiyê nîya kerd. A ke, Dîdar ra zaf heskerdênê. Her çiyê ay Dîdar bi. Raştî ya, çîmanê maya Dîdarî, di lewê merdîşê dê çiyê ke bîn bî. Cera vatêne Dîdara mi emanetê to ya. Rind qayte Dîdara mi biki. Pê mi ra xo meverdi. Xurt vindi. Mi nêwaşt ez heta Dîdara xo pîl mekerî şerî, la ez sebikerî hêko nêhêk canê mi gurot. Na vîradîşê piyê Dîdarî, hêşê ey ano sereyê ey. Xo top keno. Ceneza maya Dîdarî bi tayê kom û qêbî ra keno ra. A yê kenê virara axî. U piyê Dîdarî dest bi pilkerdena Dîdarî keno.

Piyê Dîdar merdimîo ki demokrat o. Zulmo xişmê dinya qilêr xorê vînenê û pê zêd tesîr keno. kêna xo, bi kedê çarê xo, binê zor û zahmetîya di keno pîl. Dîdar îndî biya pîl, biya kenê de azeb ya zaf rindêk. Çimê Dîdarî kes, lewê ay barî, pîmîkê ay berz o, barî û kilmek wertê rûyê ay di, rindêkiya ay ze kena tîmam a. Rûyê ay yê sipî merdim qîmiş nêbono biewno. Şîma waxtê ki ewnîyênê Dîdarî, şîma nêşkenê ke çîmanê xo, rindekeya Dîdarî ra bigê. Rindîkeya asmî ser bî. Ze asmîya ke çardes rojin bi.

Dîdar wanena. Piyê Dîdarî wazeno Dîdar lînganê xo sero bivindero ke wa muhtacê destanê kesan mebo. Meşêro mîkûro destê camerdêki ke,

piyê ey ey kesî rind naskeno. Dîdar mektebe hemşîre kezenç kena. Şîna Sêrt û wanena. Uca kurdan naskena. Tekoşîna gelê kurd naskena. Vînenê ke, se ki dewlet vano hinî nîyo. Gêle kurd şarê de rastîkin o. U heqê xo wazeno. Heqê ziwane xo keno. Heqê çanda xo keno. Dîdar gele kurd heskenê. Sêrt di mekteb qedînenê. Bena hemşîre. Piyê Dîdarî her şîno beno bêveng. Oncîyeno qalikê xo. Çayê xo di vînden rûyê Dîdarî ano xo vîr. Ter tim ra cuda fikiriyeno. Dîdar kotî ra bizano ke piyê ay, veriya rûyê ay keno. Wazeno rûyê ay ya rindîkî mejiyê xo di cabikero.

Dîdar şîya ser kare xo. Rojê cêra xebêrêk yena, xebereke şîyaye, xebere ke qudimê çongan şiknena, xebere ke dinya ser merdimî di rîjîna, hard lerzeno, dinya bena tarî. Piyê Dîdar xo dardi kerd. Dîdar vatêne: "Mi piyê xo di çiyêki diyênê, zaf xorîbî, piyê mi, saeta ke quweta ey nê-mênd bi, xo nêkişt. Hîna kuwêta ey zaf bi. La îndî nêwaşt na dinyadi bîmono. Ê ez kerdîbî pîl ê rê besbî. Îndî nêwaşt qilerbo. Coka, xo darda kerd û şî raştêya maya mi. Kes piyê mi famnekêrd. Mi ke piyê xo fam nêkerd" vatênê û xo berpersîyar diyênê.

Dîdar cêrayî bi. Çoka namê xo yê pa kerd bi "Cêrayî". Emrê xo yê azeb di, zerî dana xorte Kurd. Vatênê: "Mi va qey ez ê di çiyê ki wazen bivînî. Mi cera heskerdê. Virindîyê mi va qey çiyê ez cêren mi di. Pê ra tayê waxt ravêra bî taleya zerê mi her şî hîra bî. Mi fam kerd ke, ez neşkeni ze nîna azad bî. Ma nêşkenimê azad bibê. Her roj şîno ma jûwerî kêmbenê. Mi va no nîya nêbeno. "Defena

cêrena. Azadiyê cêren a. Gelo a azadî kotî bivîno? Gelo azadî kora de ya. Derguşê ke dera? Axî de ra? Tîji de ra? Ya asmî dera? Kaytê derdorê xo kena. Vînenê domanî se benê pîl. Domaniya xo ana vîra xo. Vana nê, ez derguşêki nînan na dinya qiler. Ez biyarî jî nişkîni azadî pîl bikêrî. Kaytê axa kena kullî biyê qiler. Axa ki ti kulmekî simena vana jîyan no wo. Axa serdî. Va, tîji, asmî qê juyê ina a yi ra rindêk nêasenê. Vînenaki hêya azad nebêy nê rindêki qê jûkek kî a yê rê rindek nêre. Cêrê xo domnena. Rêber Apo vînenê. Xo kena berz dana hard vana mi di! Mi di! Ez îndî zan azadî kotya. Îndî zelala, bêro serê koyanê Kurdistanî. Azadî serê koyanê Kurdistanî ya. Hevalê xora kesikanê vana wazenêy tîrkî bê rê ma bişê. Ti mîrêjî ez hurmet dan to.

U a bi tena serey xo kuna rayîr. Îndî karê ay heme çî rayîr a. Rayîr îndî nêqediyena. Rayîr ay bena, heval û hogirê ay. Rayîr de qelîfyena, lewîy benêy zuwa, tayê rayan qudûmê çongan şikneno. Rayîra Kurdistanî zahmet o. Zê rayîra welatê a yi nîyo. Kaşanê ke çêrexiyênê, zê paştîya moriyê, zê fekê kadri yê. Sera şîyîş huner wazeno. La a bi bîryar a. Defe sarê xo kerd. Na rayîr û kesanê na rayîrî de hes kena. A zana ke merdim çiyê hesbikero zor û zahmetiyê ey çî bo zî, dê merdim bi ser bikûro. Quwêta heskerdîşî çiyêke, pê nêşikyo çîno. Her roj ravêreno musena, bena xurt. Îndî eşqê xo ya rastîqînî ay di ya. Bi nê eşqî her roj şîna hin bena û daha zî bena rindêk. "Vatênê na pêniyê di, ez çilmîşîyaya. Mi rindekiya xo kerdîbî vîndî." Zê gula wesarî abîbî. Bibî rindek.

Pêynîyê de şî Botan. Uca de doktoray kena. Hevala bi kul biy, cera vatênê hevala doxtor. Rocê onciya saetanê doxtorî bikêro şîna wertê cengî. Hevalêki bîrîndar esto. Şîna kaytê bîrîna ey hevalî derman bikera. Wertê şerî de bi erîşa dijimîni manena û uca de şehîd kuna.

Li gora lêkolînekî ku nû tê meşandin giringiya tîrêjên rojê ya ji bo mirovan çîşas baş e tê lêkolînkirin. Di lêkolînê de derket holê ku hinek xwendevan bi şev ders dixebitin û bi roj jî radikevin û ev jî wê yekê derdixe holê ku ji tîrêjên rojê bê par dimînin. Her wiha li gorî wê lêkolînê ew xwendekarên bi roj radikevin di aliyê biyolojîk de bandorê li ser laşê wan dîke û caran dibe sedemê nexweşiyên û sistama wan ya xewê tevlihev dibin. Hinek made di nava tîrêjên rojê de hene di aliyê biyolojîk de alîkarî didin laş û hormonên xewê di laşê de zêde dîke. Her wiha zayaran bi riya van ceribandnan mirovan hişar dikin ji bo bi roj ne nivîn û demê xewa xwe tevlihev nekin. **STENBOL**



Ligel bêderfetiyên serkeftinên mezin

Şaredariya Bağlarê, di Şampiyoniya Anatoliyê de di nava 79 bajaran de li Tirkîyeyê bû duyemîn. Bi wê wesîleyê ji bo ku serkeftina timê bê pîroz kirin merasîmek hate lidarxistin. Di şahiyê de Şaredara Bağlarê ya Amedê Yüksel Baran axivî û diyar kir ku tima Bağlarê ligel hemû bê derfetî û kêmasiyên serkeftinên mezin bidest xistiye.

Tîma Basketbol ya Bağlarê a Amedê di qada Basketbolê de îmze avêt serkeftinên mezin û herî dawî jî di Şampiyoniya Anatoliyê de di nava 79 bajaran de bû duyemîn û hêjayê xelata madalyaya zîv hate dîtin. Bi armanca ku serkeftina Tîma Ciwanan a Basketbolê ya Bağlarê pîroz bikin merasîmek pêk hat. Merasîm li Salona Sporê ya Girtî a Bağlarê pêk hat. Serokê BDP'ê Amedê Nîjad Yaruk, Şaredara Bağlarê Yüksel Baran, Cigirê Şaredariya Kayapınarê Mahmut Dag, Serokê Diyarbakirsporê û nûnerên navendê Bulent Baykara, nûnerên STK û endamên meclîsa Bağlarê jî tevlî merasîmê bû.

Di merasîmê de şaredara

Ji bo Tîma Basketbolê ya Ciwanan a Bağlarê ku ligel derfetên kêr serkeftinên mezin bidesxistine, merasîmeke pîrozbahiyê pêk hat. Tîma ciwanan a Basketbolê ya Bağlarê di nava 79 bajaran de bû duyemîn



Baglarê Yüksel Baran axiftinek kir û balkişand ser serkeftinên mezin ya Tîma Basketbolê ya Bağlarê. Baran wiha dirêjî da axaftina xwe: "Di qada sportîf de ligel derfetên mezin gelek kêr bûn me serkeftinên mezin bidest xist." Her wiha Baran balkişand ser 23'yê Nisanê Cejna Zarokan a derbasbûyî û got ku qasî li Tirkîyeyê roja zarokan tê pîrozkirin lê mixabin îro zarokên kurd cejna xwe di paş deriyên hesinî de pîroz dikin. Lê niha gelek zarok li vir in.

Ez dîsa jî cejna zarokên me pîroz dikim. Niha gelek hevalên we di girtîgehên de ne. Ji vir şûnde jî çî ji destê me bê em ê bikin. Ji bo zarokên me tiştê herî baş çî be em ê wê bikin. Em ê hêj îmzeyê biavêjin gelek projeyan."

'Serkeftin bi pere pêk nayê'

Piştî şaredara Bağlarê Yüksel Baran, serokê BDP'ê Amedê Nîjad Yaruk axaftinek kir û destnîşan kir ku ji ber wê serkeftina ciwanan gelek kêfxweş bûne û spasiyên xwe pêşkêşî Şaredariya Bağlarê kir.



Yaruk wiha berdevam kir: "Li Amedê serkeftinên ku ciwan bidesxistin me kêfxweş dîke. Serkeftinên mezin bi pereyên mezin pêk nayê. Bi derfetên kêr û nêzikatiya me ya li hemberî sporê em serkeftinan bidest dixin. Em giringiya sporê ya di ciyakê de dizanin."

Piştî axaftinan plaket dan sporîstan. Her wiha piştî merasîma plaketan jî koma Muzîkê ya Dicle Firatê derketin ser dikî û stranên xwe pêşkêşî temaşevanan kirin. **AMED**

Ji sedî 50 goştê qaçax dixwin

Sekreterê Giştî yê Odeya Beytaran a Hatayê Nesîm Rende, diyar kir ku li Tirkîyeyê di sektoriya sewalvanîyê de pîrozgîrêkên mezin hene û wiha got: "Li Tirkîyeyê goştê sor ji sedî 50 qaçax e. Êdî goştê ker û hespan bi mirovan didin xwarin"

Beytarên Hatayê, bi munasebeta 24'ê Nisanê Roja Beytarên Cihanê çeleng danin ber abîdeya Atatürk. Di merasîma çelengê de Sekreterê Giştî yê Odeya Beytaran a Hatayê Nesîm

Rende, diyar kir ku li Tirkîyeyê pîrozgîrêkên sektoriya sewalvanîyê sal bi sal mezintir dibin. Rende, anî ziman ku ji ber bîrêxistinê û bêkontrola sînorên Tirkîyeyê gelek sewalên nexweş û qaçax derbasî Tirkîyeyê ten kirin û wiha got: "Ji sedî 50 nîfûsa Tirkîyeyê goştê sor e qaçax bikar tîne. Ev yek di daneyên hikûmetê de jî hene. Ji ber bihayê goştê zêde bûye, êdî goştê ker û hespan bi mirovan didin xwarin. Êdî qalîteya goşt nema." **HATAY**

Şaredariya Tetwanê dest bi paqîjiya Gola Wanê kir

Piştî Şaredariya Wanê niha jî Şaredariya Tetwanê ji bo ku peravên Gola wanê paqîjî bikin xebat dan destpêkirin. Di çarçoveya xebatan de hemû cop hatin berhevkirin û derxistin devreyê bajar.

Şaredariya Tetwanê bi armanca ku pêşî li qirêjiya dora gola Wanê bigirin xebata paqîjiyê dan destpêkirin. Xebatê de çar rojan bidome. Beriya paqîjiyê Cigirê Şaredariya Tetwanê Nîmetullah Epozdemîr axaftinek kir û diyar kir ku sedema qirêjiya Gola Wanê ya sekere ew e

ku ava kanalizasyonê tevlî golê dibe û got ku ji bo ku pêşî li wê qirêjiyê bê girtin hemû tedbiran digirin.

Epozdemîr wiha dirêjî da axaftina xwe, "Me wekî şaredariyê kapasîyeta xwe ya tesisê ya ji sedî 80 yî pêk dihat me kit ji sedî sed. Me pêngaveke giring avêt. Em jî hemû gelê xwe hesasiyete dixwazin. Ger ku pêşî li wê yekê bê girtin dê baş be. Bi vî awayî em ê gola xwe winda nekin. Em ê mîraseke baş ji bo zarokên xwe bihêlin." **WAN**



Li Bazidê lehî rabû

Li navçeya Agiriyê ya Bazidê, ji ber barîna baranê ya zêde lehî rabû û di encamê wê de gelek xanî û dikan di bin avê de man.

Li Bazidê şiliya ku roja berê dest pê kir bû sedema lehiyê. Her wiha herî zêde jî taxa sanayiye jî wê yekê para xwe girtin û gelek mal û cîhên kar di bin avê de man.

Şaredara navçeyê Canan Korkmaz diyar kir ku şiliya zêde rê li lehiyê vekirîye û di encamê windahiya can tune. Korkmaz got ku xesarên maddî derketin holê. Korkmaz der barê mijarê de wiha dirêjî da axaftina xwe: "Ekîbên me demildest mudaxalayê serdagirina avê ya malan kir. Ligel wê de di encamê lêkolînekê de xesarên welatîyan bê tespîtkirin." **AGIRI**

Baydemîr şampiyonê cîhanê pîroz kir

Ciwanê kurd Ozan Berken Bîndak di 8'emîn Şampiyoniya Tekvandoyê ya Cîhanê ya Ciwanan de ku li Meksî-

kayê pêk hat de bû şampiyon. Şaredarê Bajare Mezin a Amedê Osman Baydemîr serkeftina Bîndak pîroz kir

û zêrek jî wekî xelatê hêjayî wî dît.

Baydemîr li ser sefketina Bîndak sekîni û diyar kir ku giringiya ku didin sporên salonan de bidomînin. Sporîstê Tekvandoyê Ozan Berken Bîndak di rojên borî de bi Diskîspor a Şaredariya Bajare Mezin a Amedê re peyman îmze kir. Sporîstê Tekvandoyê Bîndak bi 73 kiloyê kete pêşbirkê û di 8'emîn Şampiyoniya Tekvandoyê ya Cîhanê ya Ciwanan de bû şampiyonê tekvandoyê.

Şaredar Osman Baydemîr bi nûnerên Tekvandoyê Diskîsporê Av Metîn Kilavuz, Sekreterê Giştî Abdullah Sevînc bi Bîndak re wêne kişandin. **AMED**



Li Gundikê Melê kursa berikan vebû

25 jin li kursa berikan a şaredariya Gundikê Melê dixebitin û alîkariya aborî didin malbatên xwe. Kurs meha borî jî hêla şaredariyê ve hate vekirin. 25 jinên ku tevlî

kursê dibin hem pişeyê hîn dibin û hem jî perwerdehiya giştî dibînin. 12 dezag hene û jinan motifên cur bi cur berikan dixemîlin. Ji bo îstîhdamkirina jinan şaredarî hîn

projeyên din jî amade dikin. Ji bilî kursa berikan 3 projeyên din jî hatine amadekirin. Şeniyên Gundikên Melê jî projeyên civakê keyfxweşiya xwe nişan didin. **ŞIRNEX**

Kalê 95 salî zewicî

Li navçeya Girê Sor a Rihayê kalê 95 salî yê bi navê Şukru Adiguzel ku xwediyê 3 zarok û 17 neviyane bi cînara xwe ya 57 salî ya bi navê Salîha Geyik re zewicî. Adiguzel anî ziman ku hevsera wî 20 sal berê miriye.

Şukru Adiguzel piştî ku hevsera wî Bedriye Adiguzel ku dayika sê zarokan bû di sala 1990'î de mir tenê ma. Piştî ku hevsera wî mir ew tenê ma û heta niha jî tenê jiya. Zarokên wî jî her yek li bajarekî cuda diman û li ser wê biryar da ku ji nû ve bizewice. Şukru Adiguzel bi jina bi navê Salîha Geyik (57) re biryara zewacê da. Adiguzel bi Salîha Geyikre mehra fermî çêkir. Adiguzel der barê xwe de wiha got: "Piştî ku hevsera min mir, zarokên min li min mîze dikirin. Lê zarokên min jî zewicin û çûn bajarên din. Li ser wê ez tenê mam. Min biryara zewacê da. Salîha xanim li taxa me dima. Her tim alîkarî dida min. Em bi hev re axivîn û me biryara zewacê girt. Me dawet çênêkir. Ji xwe ne li gorî me bû. Ji ber wê me tenê mehra xwe ya fermî çêkir." **RIHA**

